

鹿洲全集

戊辰仲春  
重印

肆

九

州

全

集

卷之九



鹿洲初集卷八

漳浦藍鼎元玉霖著

衡山曠敏本魯之評

傳

林元戎傳

林亮字漢侯福建漳浦人也。生四歲喪母。八歲失所。怙依從父撫養。甫二年從父。又沒事從母。如所生。未幾從母亦棄世。伶丁孤苦。難名狀。然性不羈。好結納。

當世賢豪嘗曰男子桑弧四方安能屈守鄉閭長爲  
農夫沒世哉屬濱海多事決意從戎習騎射擊刺留  
心海務大將心事島濶險夷舟航利鈍營陣戰伐靡不講求熟  
悉識者覘其有將才矣康熙丙戌擢臺灣水師右營  
把總壬辰遷福寧鎮左營千總丙申授桐山營守備  
其明年以熟諳水務調澎湖協右營守備辛丑夏臺  
灣土賊朱一貴作亂竊踞全臺文武守臣或殉難戰  
死或逃歸澎湖澎臺相距一水居民洵洵澎協將弁  
以孤島難守僉議撤歸廈門各出家屬登舟亮力排

衆議按劍厲聲曰大○將○膽○識朝廷封疆尺寸是不可棄我等享

昇平食祿廩捐軀報國是正在今日焉有鋒刃未血而是

相率委去之理丈夫死忠義耳寧能駢首市曹是為法

吏所辱耶請整兵配船守禦要害賊至決一死戰戰爽○快○無○比○

不捷而亮死公等歸亦未遲皆曰諾願死守亮馳出碩○坐○在○主○將○面○上○得○體

江干申主將號令驅官民家屬各登岸敢言退履者大○將○本○事

斬衆心始固又以臺米弗至慮行間乏食捐家財買周到

穀碾米給軍製造戰攻器械及諸軍需以俟大兵進壯○甚○

剿共圖克復水師提督施世驃南澳總兵官藍廷珍

統師至澎以亮膽識超羣忠勇出眾委為前隊先鋒

領舟師五百七十人自澎進發六月十有六日黎明

大師咸抵鹿耳門外賊目蘇天威據鹿耳砲臺發大

砲以拒我師百千奔雷飛轟海面亮奮勇爭先以六

艦忠勇冒死直進盡銳攻擊遙望砲臺火藥桶堆積如山

命施巨砲專攻其火藥桶中之火起烈焰冲天燔斃

賊不可計數賊眾大敗奪取鹿耳門砲臺焚賊營壘

乘勝進攻安平鎮賊目鄭定瑞悉眾抵敵亮復先士

卒登安平城豎大軍旗幟遂克之鹿耳安平皆天險

所向無前

喪快

得寶

平臺第一功

得人



臺之要害一日而兩大捷百姓歡呼昇酒饋食知賊  
不難平也十七十九兩日我師鏖戰鯤身亮駕舟夾  
擊橫衝賊陣賊大敗入水淹斃斬獲殺傷無算自是  
賊人退保府治不敢復出晝夜固守以老我師施世  
驃命亮及董方魏大猷洪平率兵千二百人分兵閒  
道從西港仔暗渡出府治之背藍廷珍復統大軍繼  
之二十二日黎明大戰于蘇厝甲賊死傷遍野夜戰  
黎頭標又大敗之次日窮追敗之于木柵仔復敗之  
于蔦松溪遂克府治七日之內恢復全臺紀功第一

勢如破竹

賊亦不害

總督滿保手書褒揚勞以白金四百兩方之古賢將  
馮異曹彬云雍正元年春授南海鎮左營遊擊秋八  
月擢臺灣南路營叅將俱未之官以議叙平臺功加  
都督同知世襲拜他喇布勒哈番再加一等九月引  
見溫綸褒嘉特擢臺灣水師副將賜孔雀翎寶  
刀貂皮緞疋火鑱包帑金二百兩蓋異勲也途中聞  
邸報奉旨特授臺灣鎮總兵官臺灣海外重地甫  
離兵火亮撫恤窮黎正大。將。本。體。已率屬整飭水陸兵防和衷  
文武創建郡治木城民歡樂之南北路內山生番未

習教化性嗜殺時出沒為民害亮設法招撫傾心歸將帥才也順者一百八社男婦一萬八百八十七人於是附山居民咸得安堵事聞

上大悅賜金一萬兩從優議叙特加四級亮仰體

皇仁因番性所嗜購色布漳烟鹽糖等物遣官遍歷

各社宣得判種大朝廷德意賞賚諸番歡呼之聲震山谷計

動用賜金一千八百九十餘兩尚八千一百四十兩

有奇封貯臺庫流交公用絲毫不私為已有也雍正

五年春奉旨移鎮浙江定海定海四面汪洋為浙

東○吮○扼○亮○殫○心○綢○繆○訓○練○卒○伍○日○率○戰○艦○弁○兵○巡○防○  
周○歷○南○抵○溫○台○北○窮○盡○山○花○鳥○不○敢○一○日○自○暇○逸○積○  
勞○成○疾○卒○于○官○年○六○十○有○四○賜○祭○葬○

論○曰○林○元○戎○名○將○也○人○知○其○平○臺○先○登○功○第○一○不○知○  
保○守○澎○湖○尤○為○節○之○大○者○門○庭○寇○逼○僉○謀○委○去○獨○以○  
一○未○弁○排○衆○議○仗○劍○奮○呼○遂○固○疆○圉○不○特○忠○勇○冠○三○  
軍○於○大○義○皎○然○星○日○矣○以○此○制○敵○何○敵○不○摧○宜○其○虎○  
吼○雷○奔○鹿○耳○鯤○身○莫○之○能○禦○也○分○兵○西○港○永○奠○東○寧○  
千○秋○百○世○之○後○扶○桑○日○出○之○區○言○臺○澎○遺○事○者○不○能○



不爲此君屈一指嗚呼可不謂奇男子哉

平臺首勳赫赫在人耳目至保澎大功大節則有  
知有不知者澎湖爲臺厦扼吭一失則內地動搖  
賊得所據我師安能飛渡鹿耳七日奏捷是澎湖  
一守於平臺功已過半況封疆之臣効死無委去  
之理徒知享昇平食祿廩緩急毫不可恃 國家  
安賴若輩哉仗劍數言忠義直貫星日彼縮頸奔  
逃者能無慚愧入地名手於此處獨寫得有聲有  
光所以勵臣節而維世道非徒在文字之佳也以

下歷叙血戰成功如觀垓下繪圖簡潔明快允稱

良史

先兄福建水師提督襄毅公家傳

公諱廷珍字荆璞福建漳浦人世居萇谿鄉爲閩南  
著姓曾從祖紫濤公諱銘球明侍御歷宣大三邊湖  
廣巡按有聲族祖義山公理以平澎臺功累官福建  
陸路提督諸弟皆將帥公少樸拙耕于野作苦忽有  
所懷喟然曰吾其爲持戟之士乎義山公移鎮舟山  
不遠二千里渡海自請入伍日習騎射舞戈揚盾趨  
捷如風又善爲火攻鎗砲無虛發義山公壯之康熙  
三十四年擢把總越四載遷磐石守備又六年授溫

州鎮右營遊擊追賊于南麂外洋。乘風縱擊，獲其人。  
船賊械，復在鳳凰外洋。巡捕賊艘，晝夜窮追，至青水。  
大洋沈其一舟，又獲其一，斬首十五級，生擒二十七。  
人。當事以為能，調溫鎮中營遊擊。甲午夏，在官山外。  
洋捕賊，復追至青水。大洋斬首二十一級，奪二巨艦。  
擒六十四人。凡汪洋絕島險遠僻深，從來官兵不到。  
之地，窮搜靡遺。洋賊聞風破膽，皆曰：謹避老藍他鎮。  
協如嬰兒，女耳。自是威名日盛，諸將多忌嫉者。上官  
亦惡其形，已讒于總督滿公。保將劾之，提督吳公陞

上○官○

禍○根○

忠○勤○

好○箇○



固爭謂此兩浙第一良將。滿公未信也。會關東大盜孫森等竊遼陽巨砲戰艦逸入海。

聖祖震怒責成沿海封疆諸臣。滿公入覲面奏。

諭旨由海濱巡行南下提督偕至溫州時方憂逸盜未

獲。溫帥來迎問將弁賢否。及藍某安在。帥曰彼在家。

人勝利

觀劇未暇也。滿公怒據帥揭密繕疏。明晨將拜舟次。

瑞安公跪迎于江汊。滿公曰觀劇忙耶。何為來此聲。

色俱厲。公從容言某於某日乃自海面緝賊來。在黑。

水外洋與賊大戰。斬級落水甚多。擒逸盜孫森等九。

此劇頗可觀

十餘人盡獲其戰艦賊物砲械滿公愕然曰有是哉

如夢初醒

幾失吾良將也名入舟厚撫之提督吳公繼至笑曰

得意

何如余言不謬乎於是改彈章為薦牘時丁酉夏四

月也巳亥春超遷澎湖副將夏秋間授南澳總兵官

尋攝理碣石潮州二鎮務辛丑夏土賊朱一貴陷臺

灣五月七日警報至即簡師徒治軍需慨然以征討

是當時第一要著

為巳任條陳進兵事宜首請總督駐厦就近督師時

英雅

滿公聞變屈指浙閩諸大帥惟藍總兵可任巳飛檄

所見不約而同

調公而自兼程趨厦途接公條議意見昭合大喜委

令總統水陸大軍領戰船四百餘號官兵一萬二千  
員名前赴征剿六月十一日到澎湖用閒謀得賊中  
情狀謀于提督施公世驃曰羣盜皆烏合不足憂一  
攻卽靡但其衆至十數萬誅之不可勝誅且多殺生  
靈無益今但張檄止殲巨魁餘勿問皆令自新則人  
人有生之樂無死之心可不血刃平也施公從之十  
有六日黎明師逼鹿耳門賊衆扼險迎敵前鋒林亮  
董方冒死直前攻擊公率大軍繼之遂敗賊衆奪取  
鹿耳門乘勝進攻安平鎮拔之戒將弁入郡之日無

妄殺掠徧檄市里門書大清良民者卽爲良民自是

攻心效驗

賊脅從者多解散各爲自全計十有七日鏖戰于四

鯤身大敗之追至七鯤身瀨口詰朝遣將以小艇載

火具敗賊于塗墜埋水仔尾燬其戰艦十九日賊以

數萬衆蜂擁牛車架砲列盾爲陣來戰公親督大砲

連環迸發指揮將士賈勇爭先遂破其陣復遣舟師

以小艇附岸夾擊賊衆大敗淹斃千餘人於是賊退

保府治不敢復出施公用降者計夜遣林亮董方魏

大猷洪平率兵一千二百名從西港仔暗渡出府治



之背公曰此誠奇計顧賊衆兵單脫有失賊難制矣

即馳入施公營謂曰公宜遣將弁于瀨口塗擊埕等

處分道夾擊某當親率大軍疾繼林亮等之後方可

萬全賊聞我師北來必棄營遁府治恢復在此兩日

間耳遂乘夜進發抵西港仔二十二日黎明在竿寮

鄉登岸令空舟悉回安平左右曰登岸棄舟何也曰

示軍士必死無有還心今日戰勝明當直抵府治耳

言未已諜者報賊在蘇厝甲與林亮魏大猷決戰勢

甚張公分兵八隊為四正四奇而自將中軍馳赴之

賊望見驚曰此老藍旗幟也公縱兵大戰賊稍却急

乘勝崩之賊大敗薄暮至犁頭標屯劄科賊必夤夜

劫營漏初下傳令撤去帳房捲旗幟露刃伏芒蔗間

夜未半賊至弗見大營方驚顧忽金鼓大震我軍突

出四面擊之賊大亂自相攻殺比曉追敗之于木柵

仔復敗之于蔦松溪朱一貴率餘賊逸去遂入府治

秋毫無所犯民大悅計自進兵以來先後纔七日耳

於是分遣諸將復南北二路二十八日敗賊于大穆

降朱一貴走灣裏溪大軍追至茅港尾鐵線橋及賊

王○者○之○編○

神○速○

此○着○高○

于鹽水港朱一貴走下加冬公密購楊旭王仁和楊石楊雄等給與守備千總銜劄令糾合庄民誘致朱一貴於溝尾庄閏月八日朱一貴及王玉全翁飛虎張阿山等皆就擒復擒獲吳外陳印李勇陳正達盧朱於是林曹林騫林璉鄭惟晃張看等皆向大軍乞降南北二路弁兵擒斬賊目顏子京鄭定瑞楊來萬和尚安撫各處庄社民番臺地悉平公奉檄署理臺鎮總兵官事仍統征兵秋七月南路阿侯林餘孽繼起復討平之降江國論鄭元長等遣千總陳章渡海

如縛雞豚

入郎嬌。招降劉國基、薛菊。散其餘黨。已而陳福壽等  
 後先俱至。皆渠魁也。為之美衣服。恣其出入。炫耀以  
 動逸賊。使悉來歸。九月望日。提督施世驃卒。公奉檄  
 署理提督印務。招撫杜君英、杜會三父子。獲黃殿黃  
 日昇、郭國正、張岳、鹽水港六加甸紅毛寮諸孽。先後  
 思逞。悉皆擒滅。梟揚君林君、李明、黃輝、卓敬等于市。  
 石壁寮餘孽復叛。發兵擒獲蘇清林、阿尾、王教等十  
 五人。皆斬之。又擒獲賊黨陳成、鄭六苑等十三人。康  
 熙六十一年。廷議改設臺澎總兵官于澎湖臺灣府。



治設陸路副將調公赴澎鎮守將行南路下淡水北  
路入掌溪奸民相繼作亂復發兵剿擒併遣諸將分  
道搜山先後獲林亨顏煙李慶黃潛等二十一人六  
月以提督姚堂奏奉旨總兵官仍駐臺灣公遂爲  
臺鎮從征將士以次班師雍正元年春逸盜楊合復  
謀作亂遣外委陳栩等捕之又遣千總何勉擒獲王  
忠劉富生等臺灣匪類根株盡絕○酬○賜○冬十月奉  
旨特授福建水師提督加左都督世襲三等阿達哈  
哈番既抵任將弁行陣整頓一新立巡防之法數千

里波恬浪靜商賈晏然凡關係地方有裨軍國事務  
 竭智殫誠不遺餘力信賞必罰雖親故無所私一草  
 一木不以擾兵民而於賢才則深加愛惜必力為揚  
 薦引與同升嘗云人才難得可謂大臣不為國家愛惜培植而  
 媚疾壅闕非忠臣事君之道也以故汲引多至節鉞  
 者偏裨以下難更僕數然靡有德色也提師六載始  
 終一節兵民愛之以雍正七年仲冬二十有七日卒  
 于官年六十六自幼失學壯力農將略似有天授指  
 畫謀謨皆合古法居官以政學征臺後益諳練胸中

朗朗點寫募稿皆中窾會教兒曹讀書明理盡脫弁  
韜氣習焉雍正三年入 覲恩禮有加久而益隆先  
後賜予蟒袍翎帽人參貂裘綺紵綢紗弓刀硯墨白  
玉素珠珍玩器皿菓品食物之類凡二十四次病聞  
遣太醫院劉君裕鐸馳驛診視至省遇遺疏乃還  
賜帑金二千兩治喪 贈太子少保全禮葬祭  
賜諡襄毅蓋異數云

論曰公一生忠勤好捕賊勇敢善戰常爲士卒先他  
事恂恂如不及虛心自下功成名立令終有倣非偶

然也夫無。限。深。情。一。再。一。實。讒嫉之於人甚矣哨海稱戈可云在家觀劇

含沙之口何所不至所恃當權勿輕以耳理。名。言。為目而已

使其時無提督吳公之保全大盜孫森之急救則良

將已失誰復為國家建勳業垂不朽乎征臺大役

所關甚偉滿氏實式憑之雖骨肉手足未足喻其相

需之殷得無自嘆前此幾為小人所悞否姑賢害能

小人常態非聰明仁智公忠為國者其孰能知之是。以。難。也。

宮保一代名將得千秋名史筆以傳之亦是絕大

造化卓卓乎垂不朽矣



黃廣文小傳子陽復附

黃業字新江廣東平遠人所居鄉曰寨背明未設鎮

所以載鎮平志

平劃以屬今則為鎮平人矣業嘉靖間歲貢有隱德

世守文公家訓居喪不作佛事授湖廣鄖西教諭力

持正學闢浮屠常言釋氏之教虛空謬妄無益於世

訓當銘座右

有害人心學者當如虎狼蛇蝎以避之不可為所搖

惑若誦法程朱踐履實地彼詖邪者將不攻而自破

也在任數載清白著聲去後人思其德立祠祀之子

陽復邑庠生敦行嗜學親喪廬墓三年悲號不輟撫

異母弟及兄弟之子皆自教之濟濟克有成婚娶畢  
 悉分以腴田而自取饒瘠者事載平遠縣志潮守吳  
 頴修郡志有傳康熙丁卯守林杭學再修則削之孫  
 恆亦庠生萬曆丁未歲歉捐家資賑濟全活甚衆

論曰鎮之有業景星慶雲也必力持正學始可為澤

宮師儒前志逸其傳則以闢浮屠之故耳於何知之

於他傳知之澄海林孝廉佳相者吳志傳曰喜浮屠

學林志改曰精浮屠學比事觀之義自見矣孔子曰

攻乎異端斯害也已朱子云專治而欲精之為害甚

○此句証佐

○一語破的

○春秋之口法

矣。名教中自有樂地。何事浮屠喜之。且害況精乎佳。  
好。回。護。相蓋有托而隱者未必真。濁浮屠林志一字之褒。鉅。  
于。斧。鉞。於斧鉞。豈春秋之微詞歟。因業而惡及其子。則又何  
其已甚也。業持正學。關浮屠居喪不作佛事。在任清  
白。著聲此鎮邑第一流人物。余故特為闡幽以為崇  
正之的。

此鹿洲修潮志作也。惓惓衛道之心溢于胸膈。見  
有與已脗合者。則深嘉而樂與之。雖按劍亦所不  
辭。黃廣文父子得無為一吐氣乎。

春與也。觀合。蘇。假。新。嘉。而。樂。與。之。最。與。假。其。不。以。

此。與。假。新。嘉。而。樂。與。之。最。與。假。其。不。以。

五。及。相。生。萬。曆。下。未。成。故。持。家。資。財。分。全。注。其。來。

自。嘗。學。孔。難。過。蔡。一。歲。入。時。余。及。持。命。圖。德。以。為。事。

其。因。世。也。業。特。互。學。關。於。醫。學。妻。不。亦。對。事。出。對。請。

然。余。始。豈。春。林。之。斯。時。頗。因。業。而。惡。又。集。于。假。文。林。

財。盡。有。計。而。創。林。未。必。成。而。與。林。志。一。字。之。變。於。

矣。名。始。中。有。亦。樂。故。何。事。與。林。志。一。字。之。變。於。



楊相陰小傳 子州俊附

楊開字悅之廣東大埔人崇貞間以舉人授湘陰令  
流賊張獻忠擾湖廣陷岳陽癸未八月至湘陰火攻  
其城開集民兵突烟出拒賊于白鶴洞長沙陷不支  
為賊楊天桂所執至湘潭誘之降不應授以長沙知  
府開罵曰我豈受汝賊官者恨不能為國殺賊得從  
好同件屈系遊幸矣挈妻子六人同沉湘江將投時賊奪其  
竟是挈身從遊冠開曰吾豈可囚首見先帝仍冠而死次子州俊順  
從容治辛卯舉人郝尚久之亂謂同年生黃標曰吾等受

720471

國恩何論祿仕與否義不為逆黨所污遂棄家之廣  
城至鐵江值他賊不屈死之標亦遇害蓋父子前後  
可敬殉節云

論曰湘陰罵賊沉湘江從屈原遊得死所矣乃子州  
俊復能不為逆汚鐵江遇害何楊氏之世忠節也受  
國恩何論祿仕與否二語可為千秋之寶訓其說行  
可以風世天下無復有不義者

兩世忠節凜凜如生敘次亦簡潔有味

姚烈士小傳

姚霽雲潮陽人明季諸生也性嗜學好古立品端介

數○字○括○之○

工鍾王書法崇貞十七年闖賊亂懷宗殉國雲聞報

大慟數日不食逢人輒跳叫衆以為癲又數日赴和

烈○

平橋投江而死

論曰李自成起潢池覆明社當時臣工迎拜道旁上

羞○死○

表勸進者有之即號稱名士儼然為倫物所宗尚不

名○士○風○流○掃○地○矣○

免有四海歸心較湯武而無慚德之頌非我

朝特申天討洗穢濁而清明則衣冠皆為盜賊矣霽

雲邊海書生。如此其忠且烈也。卽以和平江爲汨羅。  
可○甚○  
誰曰不可。

傳僅六十餘字而一生學問人品臨難慷慨激烈  
以及夢夢世情無不寫到簡潔雄健非秦漢以下  
筆墨一論淋漓痛快尤堪震發聾矇



黃攝尉傳

黃新德海陽縣吏也讀書僅識字涉獵故事出語好

態

遣文人皆笑之家故貧義不苟取或勸以稍趨勢得

如○此○遣○文○亦○不○既

周急新德曰原憲之緼袍賢於季孫之狐貉宣孟之

魚食甘於智伯之芻豢時人異焉康熙辛亥授廣西

梧州府賓家寨巡檢弭盜有方郡守稱其才乙卯夏

攝藤縣尉值滇黔叛逆山寇蜂聚圍藤邑時兵少議

名○言○至○論

降者半遁者半新德曰棄城非守土之義降賊受戮

社之誅不如死守脩雉堞整樓櫓身先登陴鼓舞衆

志相持者旬餘薪糧內絕外援不至呼其子曰禱曰

如此便是一雨全

忠孝不能兩全汝扶我老母旋歸後此奉養諸事皆

汝為之汝孝于祖母即汝之孝于我也城陷被執賊

始終是好

欲授以偽官新德曰何面目見天下人王彥章且不

遺文

肯降唐況天朝臣子從賊乎賊欲屠民新德曰倡守

城者尉也誓不與賊俱生期滅汝曹朝食者尉也死

烈節仁心

賊殺尉足矣於百姓何尤賊怒斫之新德罵不絕口

亦難得

刃斧交下碎其屍家人四婢一皆死焉日禱負祖母

得脫隱跡丐食越兩載始還至家事聞

賜祭褒恤贈南寧衛經歷

論曰新德微官耳以死勤事可謂大臣矣彼擁節封疆平居赫赫莫已若未見敵而棄城去者厥官居何等哉況於屈膝從賊曾狗彘之不如新德將叱而奴之敢曰孰尊孰賤耶

么麼小官竟作乾坤柱礎可敬可愛文亦寫得凜冽如生





李張白何列傳

李成功奉天鐵嶺人登順治己丑武闈歷官潮陽遊

擊調潮州鎮中軍以叅將管左營事訓練有法能得

士心康熙十三年總兵劉進忠叛成功仰天呼曰天

步方艱臣心不改倘可誅賊九死何辭與城守遊

擊張善繼續順公標防禦于國璉謀戮進忠進忠覺

執之誘以同叛不可劫以兵刃弗懼進忠偪之成功

曰頭可斷志不可奪進忠曰汝為中軍我以猶子待

之何無義至此成功曰祿山叛國死於猪兒朱泚叛

國死于韓旻汝叛國賊臣不知死之將至我何爲從  
汝反哉進忠令斬之罵不絕口而死時甲寅夏孟二  
十有一日也事聞贈驃騎將軍賜祭葬廕一子  
奕桂守備

張善繼直隸彭城衛人幼習儒博覽羣書長爲孫吳  
學登康熙丁未武科鼎甲第二人己酉授潮州城守  
營遊擊甲寅吳耿盜兵善繼赴省請餉爲出師備潮  
帥劉進忠陰遣腹弁楊希震赴閩獻欵耿逆授僞寧  
粵將軍印剪辮歸與進忠謀曰張善繼剛方固執深

號○○中○說○此○

得衆心宜亟散其卒進忠然之遂以所部衆分隸上

承業李雲陳璉約束焉迨善繼歸而麾下已虛無人

矣好証傳謁進忠曰公不聞晉王敦乎武昌犯順直抵江寧

威勢未嘗不赫也兵敗身死發瘞斬屍自古未有叛

國而克令終者若至崩騰蒼莽震懾旄麾之下繫頸

求活晚矣進忠怒羈之馬王廟有明經林應璧者亦

被羈善繼與談古忠孝事相得甚歡並披覽史書不

輟力若不知刀俎之及也進忠屢遣人諭降終不屈令

斬之善繼臨刑嘆曰生未統師誅叛逆死爲厲鬼復

深讐。遂遇害。事聞。贈參將。賜祭葬。廕子張大陸。

守備。

白虎。陝西秦州人。久典戎行。著勞績。康熙十一年。授澄海協右營都司。簡閱戰艦。製火攻諸具。纖悉畢備。文武同事者。嘆爲奇才。遐邇咸稱。虎將云。劉進忠將叛。調虎與其子崇質入郡。虎臨行。謂妻張氏曰。滇黔○忠○戶○心○事閩楚相繼盜兵。吾父子當立功以報。汝善撫幼孫。無以我爲念。蓋未知進忠有反謀也。父至而進忠待

虎加篤。左右防範甚嚴。越日乃知其事。嘆曰。我以出



師征討。星月馳來。豈虞變生意外。悠悠蒼天。彼何人。

稟列

哉。因潛焉。淚下。進忠傳虎見。令易帽。虎曰。頭可斷。帽

萬古存

不可易。令剪辮。虎曰。頸可截。辮不可剪。隨責進忠曰。

辭嚴義正

付託全潮。任重榮極。不圖報國。甘為叛首。恐皇天

弗宥也。一旦師敗。勢窮竄身。茅簷亦不可得。悔何及

矣。左右以虎搖惑軍心。請斬之。進忠愛其勇。不忍刑

曰。此。愚人。不識時務耳。復拘虎妻張氏。孫士俊為質。

忠義之泉自不可少

虎與同志者。密遣人赴省。請兵恢復。約為內應。謀洩

將就刃。謂崇質曰。食君之祿。死吾分也。委身存祀。惟

在汝崇質曰父爲忠臣子從叛賊烏乎可苟就義以  
全真豈不因忠而成孝孟秋朔日縛至西市虎望北  
叩首曰君臣大義盡于此刻父子至情亦盡于此刻  
生不能提三尺手刃逆賊上報百○廿○下○如○聞○其○聲○國恩臣虎有餘辜  
矣百姓觀者爲飲泣張氏士俊窮無歸貧無爨襤褸  
衣衫行乞于市事聞贈秩恤典如禮廕其孫白士  
俊守備

何亮潮州程鄉人澄海協右營千總也少充健兒每  
薄伐號闕身先諸校戰功甚偉得授千夫長善馭兵

量機決策頗洞中。都聞白虎以腹心待之。資籌畫焉。  
劉進忠將叛檄全潮將士赴郡城。亮隨虎至。進忠以  
偽寧粵將軍印行事。亮曰：以逆犯順者亡。進忠忘  
國厚恩。敢爲叛逆。亡在旦夕耳。誓誅此賊。方快我心。  
或告之曰：任天下事易。死天下事難。如其敗天下之  
事。死不足以塞責。如其成天下之事。生亦可以有爲。  
亮曰：否。君猶父也。子爲父死。無所怨人。固有志。不可  
強耳。虎遣亮訂李成功于國璉。張善繼密請援師。恢  
復謀洩。進忠縛亮叱之曰：汝何敢作亂害我耶。亮曰：

背○義○賊○臣○人○人○欲○誅○豈○獨○亮○哉○我○一○片○精○誠○上○訴○天○

帝○當○於○冥○曹○待○汝○對○質○遂○遇○害○亮○之○兄○弟○妻○子○被○殺○

者○九○人○觀○者○多○嘆○息○泣○下○事○聞○奉○旨○賜○卹○蔭○其○子○

何○閣○龍○千○總○

論○曰○劉○進○忠○之○逆○也○同○城○將○士○為○賊○大○馬○者○多○矣○慷○

慨○激○烈○取○義○成○仁○獨○李○成○功○張○善○繼○白○虎○何○亮○與○防○

禦○于○國○璉○耳○于國璉奉天人為續順公沈瑞旗員進忠作亂瑞命璉偕都統宋文科鄧光明攻進忠戰于太平街鏖鬪三日璉身

先士卒射傷進忠左臂賊披靡衆寡不敵終為所敗瑞縛光明璉以隆璉不屈繫之幽室諭降終不聽乃斬于市尸僵立不仆數日而不改容舊志

為○國○璉○立○傳○而○李○張○白○何○皆○闕○焉○余○竊○嘆○進○忠○叛○逆○



呼。吸。死。生。威。勢。赫。赫。而。成。功。面。斥。爲。祿。山。朱。泚。善。繼。  
比。之。王。敦。所。以。挫。亂。賊。之。鋒。褫。奸。人。之。魄。非。淺。尠。也。  
白。虎。曰。頭。可。斷。帽。不。可。易。頸。可。截。辮。不。可。剪。虎。子。崇。  
質。曰。苟。就。義。以。全。貞。豈。不。因。忠。而。成。考。之。數。語。者。可。  
以。垂。千。秋。登。金。石。矣。何。亮。末。弁。一。則。曰。國。恩。再。則。曰。  
君。父。罵。賊。至。死。舉。家。殉。之。使。天。下。守。土。之。官。人。人。倣。  
此。四。君。子。雖。有。亂。賊。其。誰。與。爲。亂。哉。繫。天。柱。礎。端。賴。  
斯。人。余。故。表。而。出。之。

四君子精忠勁節烜赫天地間父老至今能言之

潮志略而弗書只載于國璉一傳而國璉不屈之  
處亦不言及但云力屈被殺而已鹿洲旁採他志  
藝文兼詢耆舊特爲表章以勵臣節九原有知當  
必囁然笑也

李都閩小傳

李其昌字遜伯廣東程鄉人父成材爲善于鄉取貧  
濟乏里人德之以爲其後必有昌者因以其昌名昌  
偉軀幹喜韜略補武庠弟子員慷慨自矢有棄繻請  
纓志值鼎革王師入粵仗策隨征以功署平鎮營  
守備時潮疆初定土弁恣睢握兵雄鄉里昌弗之善  
也請於幕府願戮力疆場得題授武昌守備再補直  
隸楊村營遷隰州專防都司康熙十二年告病回籍  
其明年潮帥劉進忠叛賊黨聞風響應脅其昌從逆

昌正色曰。天朝用兵如神。汝輩不知。君恩亦當

畏懼。國威奈何背亂。頑抗自取滅族。吾受忠烈朝廷

爵祿。豈從而賊反耶。賊怒掘坎活埋之。終不屈。焚殺

其全家。時仲冬二十有一日也。子以猷方十五歲得

脫。告之官。官無如何。越四年。以大赦弗究。猷呼籲不

已。當道憐之。許自行緝捕。卒得賊首。以雪仇恨。

論曰。其昌明於大義。舍生取之忠矣。假當年畏死從

逆。賊平之後。終亦不免一死。泰山鴻毛相懸。奚翅萬

萬哉。父為忠臣。子為孝子。百世而下。凜冽存焉。嗚呼。



其可敬也

活埋不屈焚殺全家忠亦苦矣剩有一子報仇天  
不忍絕忠臣後也讀之肅然起敬

前錄自後切取夫罪惡惡在坎豈理之終不居其殺

其外家時借冬二十有日也守以節力才主

脫告之官官無如何越四年以太叔弗究微呼顯不

已當道憐之許官行緝捕卒得賊首以雲仇服

論不惡強忍屈終也驚之肅然豈堪復當年畏死

逆賊堅不亂焚燼全家忠亦苦矣懷亦十年難於天

其百世而下

黃龍泉小傳

黃仙春原名中通字理卿潮陽人淡泊守禮慨然有

立傳處在此

志于濂洛薪傳潮揭人多師事之順治辛卯舉于鄉

授龍泉令池任九閱月引年歸優游林下以詩酒目

娛卒年八十四

可勝悼嘆

論曰言濂洛於潮幾乎資章甫而適越溺于禪者不

又一害

足道中離講倡岐入姚江墜緒茫茫尋者鮮矣仙春

亦有生機

難信

獨慨然有濂洛之志可不謂豪傑之士乎惜所學弗

更難信

傳而邑乘又言其詩酒自娛則亦未知其果濂洛否

也。彼駿而骨猶享千金。況夫真濂洛者。

龍泉一生行誼事業無甚表見。因潮陽縣志有濂

洛薪傳二語。便為立傳。此鹿洲講倡正學誘人向

道之意。即千金買駿骨也。無限深情流溢。行墨間

年五十八

外蕭某命題。此小閣。凡尺。手。讀。動。物。林。不。以。書。西。日。

或于。職。分。補。與。腐。謝。人。多。兩。事。之。則。於。辛。卯。舉。于。職。

黃山。春。然。各。中。並。字。雙。職。職。謝。人。或。自。中。對。謝。意。

黃山清泉小閣



林藍田小傳

林世榕字可亭海陽人明司徒熙春元孫也父應璧  
昌化教諭榕九歲喪母事繼母以孝聞登康熙巳酉  
賢書授陝西藍田令值歲荒一意噢咻以寧靜寬仁  
為主日幅。循。吏。圖。巡行原隰間勸耕耨捐牛種助民墾闢建義  
學延名士為之師躬進諸生與論文有課士論文一  
書行世復葺文廟新呂祠求四呂先生後以主祀事  
改建昌黎祠合祀柳州以柳州故藍田尉也在官十  
二載謝病歸閉戶著述隻字不入公門建宗祠增祭

業周親故之貧乏者。病世俗停喪不葬。嘗著歸厚錄。

世道

正理

二卷以垂勸戒。蓋推論風水之無憑。親骸之不可棄。

涉心

以悚動人子於至性至情。而激發之。廣推遠引。靡所

不周。至於治喪不用浮屠。尤三致意焉。又著有死江

草。世範。纂家禮等書。卒年七十四。祀鄉賢。子八人。長

元振。化州訓導。以善教稱。長于詩。早世。次元擴。北城

兵馬司副指揮。元貴。訓導。元掞。縣丞。餘諸生。

論曰。世俗信青烏家言。停喪者眾矣。余讀林氏歸厚

錄。悄然悲之。歸土為安。古今正理。若富貴福澤。則關

○仁○言○如○  
○讀○何○也○  
○為○市○殊○可○痛○也○如○世○榕○者○真○仁○人○孝○子○之○用○心○哉○  
○手○作○善○降○祥○惟○子○孫○之○自○取○之○不○信○理○而○信○術○以○親○

藍田歸厚錄可與家禮並行關係世道人心甚大  
作者特為標出以表其有功風化叙次亦簡核不

煩

藍田歸厚錄





陳鄭二生列傳

陳脩字擴潛廣東惠來人邑諸生家貧嗜學棲山巖

刻苦自勵其學以程朱為本又喜讀遷史莊子書舉

子業規撫王唐不肯逐喧鬧以從時好屢不得志于

有司脩亦不以此爭得失抱負益豪一時文人執贄

者爭先後有士弁者聞其名以百金聘却弗受曰阿

齡雖飢弗食陶粟吾豈與鴈鶩爭哉晚歲文益古而

道益窮嶽奇歷落竟不遇以卒年七十七

鄭國光字闇生惠來歲貢生也性勤敏諸子百家寓

目成誦日求詩屬文者踵相接順治乙酉邑舉人林學賢嘯聚作賊圍攻惠來縣孤城無援絕糧四閱月

危○急○

有○本○事○

邑中皇皇國光畫守城十策邑令沈惟煌悉舉行之

凡請援請剿請增旅請飭師前後血書二十四次授

盧和從閒道達者皆國光一人所為公牘秘函口授

才○捷○

功○偉○

手書搦不停管人稱其倚馬才危城賴以保焉丁卯

預修惠來縣志事竣始絕筆年八十

理○或○然○

論曰陳脩鄭國光皆負才不遇坎壈以老豈所謂命

也○

薄者歟脩兀傲不合時宜窮且益堅固其志也國光

搖筆千言危城贊畫功在桑梓亦不克用於世悲夫  
亡之處巖穴不能自表見如二生者恐亦不少  
有此一傳二生可不朽矣雖數奇不遇何傷特不  
能不爲需才者惜耳巖穴中尚有其人否吾將搜  
林臯而問之

凡欲求道者必先求其心之正與不正

格。事。而。開。之。亦。有。因。元。一。人。所。得。之。後。復。得。之。

雖。不。必。有。道。下。之。亦。可。以。其。道。而。求。其。人。之。不。可。不。求。

而。此。一。點。二。土。而。不。在。其。中。則。道。亦。不。要。何。道。亦。不。

士。之。道。亦。不。在。其。中。則。道。亦。不。要。何。道。亦。不。

士。之。道。亦。不。在。其。中。則。道。亦。不。要。何。道。亦。不。



陳明經小傳

陳復平字虞章澄海歲薦士也少孤哀毀骨立事寡  
母以孝聞順治乙酉海寇踞澄欲羅致之利餽威脅  
皆不屈賊怒囚之八日伺懈得脫載木主負母逃于  
金砂寨乙未賊破金砂得之脅以從不可殺其妻蔡  
氏以脅終不可賊義而釋之甲辰以海氛不靖遷沿  
海居民于內地平僑居郡東與生徒講明正學先品  
行而後文藝親戚乏者分束脯贍之播遷之餘耕具  
多缺平鬻產分給雖困不悔展復後捐廩以修學宮

置祀田築潰堤鄉人賴焉生平不事干謁年八十猶  
鍵戶窮經學博養粹卒祀鄉賢

論曰陳復平可謂有道矣身可囚妻可殺而賊必不  
可從此之謂志士與生徒講誦程朱先德行而後文  
藝此之謂正學孝親敦族至老猶鍵戶窮經不事干  
謁一舉一動皆足訓方型俗明經二字平無愧焉  
簡潔明快不蔓不支高手也

蔡廣文小傳

蔡叔度字介士廣東海陽人康熙壬子歲貢也以孝

友著于鄉兄弟親愛白首無私財家訓嚴肅病不問

為鄉俗所困

巫喪不延僧婦女不踰閭闔司訓石城振文教勸輸

將在官十八載多士彬彬禮法焉手植木泮宮比引

年皆合抱人方之南國甘棠

老健

論曰潮有叔度空谷足音也俗尚鬼病者弗巫則心

處處皆然

危僧有地獄喪弗佛人稱不孝叔度能以正勝邪不

長人非鬼責獨信其親為篤行守道之親不敢文致

南方風氣

其罪假禿。所以超度之權。可謂仁人孝子矣。伊川先生家治喪。不用浮屠。洛有化者。江東婦女。略無交遊。姻家或數十年未相識。惟以信命贈遺。通慇懃風。何古也。我思古人。忽于叔度。得之善夫。

士大夫所爲。漸成風俗。使天下郡邑。皆有二三君子。如蔡廣文。何患風俗不正耶。作者惓惓世道之心。于此可見。



陳廣文小傳

陳王猷字良可號硯村海陽人也。祖衍虞平樂令。父周禮太學生。世有詩名。猷年十九舉于鄉。至性孝友。異母弟四人。祖父遺產悉與之。昆季節嫠皆立孤。爲撫養諸喪皆爲殯葬。族祖百年絕祀者亦繼之。歷曲江連州司鐸。遷肇慶教授。所至講經史明禮義。多士負笈從學者。廡舍爲滿。絃誦之聲達街衢。文風翕然丕變焉。曲江射圃爲權部馬廐。汗及殿廡莫敢問。猷力請上官得清還舊例。廣文見權部皆羅拜庭下。猷

家

至性

無黍師席

身法不負卷八

以為失賓師體挺然長揖時人避之連學傾圮猷捐

貴倡建釀金千餘成其事端州丁祭典禮闕略為置

爵尊俎豆祭器及樂器舞器集生徒學禮習樂入廟

雖雖郡人以為創見云卒于官年六十八生平篤學

力行敦友誼周窶助喪更僕難悉數文章推淹雅尤

工詩詩得力于美昌黎參以歐蘇黃陸卓然成一家

吟咏至老而不輟所著有蓬亭詩文行世

論曰風雅一道難言之矣補鍋之匠妄鑄湛盧不有

君子其流將於胡底乎海陽陳氏以詩學世其家推

可為太學師表

省筆

北比是也

敲者甚夥。頗自負。潮人多宗之。猷其表表者也。猷詩  
成一家言。能淑其鄉。之後學爲人。有至性。敦行誼。在  
學盡職。無忝人師。權庭抗禮。凜凜乎臺諫風裁。非復  
苜蓿先生舉動也。詩曰。彼其之子。邦之彥兮。吾於斯  
人亦云。

平淡出之。自覺老樸。擅場廣文。真學問真人品。無  
不畢露。視世之以浮詞混贊掩本人身分者。相去  
遠矣。





蔡文學小傳

子長焯  
孫同高附

蔡相體字任士海陽諸生也事親以孝聞有兄三人  
 白首奉之惟謹家訓嚴肅僧尼巫嫗正士家風無敢至其門者  
 婦女終歲不出閩雖親鄰喜慶遊燈觀劇如雲喧鬧  
 扁扉寂寂與潮俗迥不相同也長于詩工書詩宗岑  
 嘉州書得顏魯國片楮寸箋人珍重之子長焯長熹  
 熹以庚子副車貢太學焯字明如舉康熙癸酉武闈  
 授千夫長防守普寧汛清介盡職四壁蕭然若寒士  
 有以錢十緡進者焯駭問何來其人曰無傷也但暑

牛勿禁賭博勿禁則月以此為恆規可養廉不竭耳

焯曰不可以養口腹不義之食也以遺子孫是誨之

賭也其人笑曰汎弁微官奚事矯廉為焯曰非矯也

官雖小受祿於朝豈敢以貧故自污如犬彘不擇食

哉母病目焯舌舐復明孝友有父風能守家訓工書

法時游神於顏柳間焯子祖坤同高高字世廣偕坤

並學祖父書能率教臨摹唐帖各極神似而高尤篤

好敦孝弟好學忘貧能赴人之急雍正癸卯兄弟同

膺選拔而高以丙午省試卒于羊城督學惠士奇購

淵源

正義稟然時人想不如此耳

祖傳秘論

家學

其喪以歸。里有癩者。王明聞其櫬歸也。哭之慟。人怪之。明曰。誰謂子癩夫。豈不識君子耶。  
論曰。蔡氏父子祖孫皆孝友清介正士也。而皆以工書名美矣。書於六藝一也。不可不學。顧海濱時尚以趙董為宗。見軟媚則悅之。未有講晉唐風格者。蔡氏傳家。其殆得中原風氣者歟。

書法一道。海濱講究者少。特傳蔡氏家學。以樹之標。此鹿洲一片熱腸。以晉唐風格望潮士也。





徐孝廉韓小傳

徐韓字景之潮陽人少失怙母黃氏明敏嗜學通子

史百家言堅貞守義授韓以詩書紡績篝燈課誦弗

輟韓亦克孝力學副所望康熙丁卯舉於鄉教授生

徒以倡明正學為已任出其門者多一時英俊數上

春官不第以孝廉終未竟其用生平負氣節不謁權

貴長吏之庭未嘗投一刺也雖環堵蕭然漠不為意

士大夫重之

論曰韓教授生徒以倡明正學為已任余聞之喜不

寐焉。惜著述弗傳。其造詣不得而知。果所學出于正。  
又能以正淑後學。則大偉矣。內承灰荻之教。心志筋  
骨從嚴霜密雪中。錘鍊而成。操履清高。矯然流俗之  
禾覘其行。可知其學以正許之可也。有分寸

與黃龍泉傳同一引人向學之意。衛道苦心。隨感  
而發。不肯放鬆如此。

徐孝廉夢麒小傳

徐夢麒字忠移湖陽人少孤從叔父明經轍受業博

極羣書以五經中辛卯副車甲午登賢書性剛方不

屑治產業家貧甚處之泰然所得脩脯悉與轍子均

分事叔母如母邑人推孝友焉先是麒為諸生教授

達濠有寒士陳姓者邑之華里東人亦訓蒙於其地

兩人交相善也交情已而陳病且死與麒訣曰死不足惜

但無後負不孝罪耳昔有某蚤婦一男頗佳願為某

嗣有成議今已矣言訖嗚咽而卒家不能具殯斂麒

拮据為之經營寔焉訪所謂蚤婦男者則陳外遇產

也笑且詈曰豎子作此不切事今死矣弗足責無後

為大猶愈於他人子也詢其狀非六金不可麒徧貸

親朋得金六取其子躬抱送至陳家里人聞輿中有

呱呱而泣者以為女客來矣比至門停輿皆駭愕不

知為誰氏親眷羣趨視輿夫揭簾見抱兒者出則麗

然長髯昂藏一丈夫也里人皆大笑麒從容呼其父

母告以故舉兒界之里人皆感激或泣下相謂曰此

義人也麒仍時省視周其困乏今兒已成立且生孫

客○竟○如○黑○旋○風○此○時○著○實○好○看○

形○如○畫○

情○

好○女○

可○喜○



義人也。鹿仍時省視。其目之。矣。麒麟生平慷慨好義。大都類此。

論曰。麒麟為人。孝友方正。敦品行。重廉節。鄉人以未竟其用。惜之。獨詳細事。何予存孤也。事莫大于義。敦師厚友。風化所關。况繼人絕世乎。使一鄉一國聞風效尤。則鄉國之民歸厚矣。麒麟生平大節無踰于此。烏可作○者○深○意○以細行目之。

孝廉存孤千載義舉。此傳曲折周到。寫得鬚眉欲活。竟是一幅送子圖。連中間許多人臉。嘴神氣無不寫出。史筆化工也。

Vertical text column on the right side of the page, containing several lines of characters, possibly bleed-through from the reverse side.

Vertical text column in the middle of the page, containing several lines of characters, possibly bleed-through from the reverse side.

Vertical text column on the left side of the page, containing several lines of characters, possibly bleed-through from the reverse side.

賴逸民小傳

賴應字紹庭廣東鎮平人篤學高尚不求知于世超

人○品○

然有古逸民風宅邊有大榕樹手書一卷坐卧窮年

和○氣○

快○活○

為人度量洪雅無爭競里黨間怡怡如也鄉有賃其

牛而耕者牛疲行遲鞭牛背詈曰賴應何不速行應

適經其處若為弗聞也而過之鄉人覺而謝罪應曰

戲言耳無足怪邑有邱甲者好訟應嘗買其田十畝

無○恥○

俄而甲訟焉將赴郡待質甲貧甚囊無一錢求附應

妙○妙○妙○妙○

舟往應許之復飲食之甲對簿理屈不伏辜復他訟

連年不解往返皆隨應應待之無改于初人莫知其  
為仇訟者或以為從行之僕耳後甲悔踵門謝罪應  
欸之還其券甲得田大喜稽首稱謝及應卒甲哭之  
慟如喪所生

論曰賴應古之君子也以此風世則民無所爭或曰  
既如此曷不還田于未訟之先省僕僕公庭乎曰才  
風不可長恐人人效尤罄田宅無以為繼耳積誠以  
感之俟其倦而歸之亦善處小人者夫固不以一訟

累其逸

此○善○極○高○有○偏○者○氣○象○

○老○勁○



賴應鄉間長者耳其事甚小寫來覺身分甚高可  
以風世皆緣作者滿腔在人心風俗上理會是以  
言之親切而有味也



宣化農小傳

宣化農者陳其姓孟壯其名潮州饒平人也世居宣

化里事農業目未識詩書然性狷介家貧絲毫不苟

取里人異之一日往黃岡買米負以歸量之多一斗

愕然曰咄嗟彼悞也我不可受家人曰天賜也悞自

彼於君何與且當其時則還之今已負至家相距二

十餘里何辭為壯曰不可非其有而取之盜也彼雖

自失悞我奈何欺天日乎即負斗米疾走至黃岡送

還之與人渡澳山樵採為颶風所阻不得歸眾競竊

宣化農小傳

星

園間番薯以食壯獨否或勸之曰非義也寧餓死日  
操日風不息或又勸之仍不可餓三日而歸其生平行  
事多此類

論曰孟子言人皆可為堯舜若壯者真堯舜之民也

身為山農日不知書立心制行不欺天日如此雖伊

尹伯夷猶將揖而進之敢以凡民目之耶士大夫居

其位此輩無餘地矣服其民欺其君蠹其國者視陳氏子何如哉

山農一行可嘉便為立傳此誘民覺世意也



盧壯士小傳

盧和潮州靖海所人居惠來縣東郊涂項身長七尺好

漢圖小用

黧面長鬚為邑壯丁順治乙酉邑紳林樂賢為寇攻

危急

縣城圍困數月援兵莫至內外信息不通縣令沈

惟煌與紳士謀求救夜召和入計事命突圍赴郡乞

壯甚奇甚

師和曰諾胸藏血書懷二鴿從城南縋出夜暗如墨

苦甚

人對面不相見和匍匐膝行十五里至神泉遵海而

示信

東從守禦所過潮陽入郡至則放鴿為號夜或遇賊

善變化

則蹲伏似狗又或似棄尸賊竟以此給去書得達如

是者艱難二十四次快活援兵至圍解

論曰盧和壯士也定評義士也榮子匹夫能為國家出力救全城旦夕之命厥功偉矣包胥秦廷靈雲斷指亦不過此忠此誠耳人有貴賤忠誠則一誰敢以壯丁目之

邑紳為寇壯丁解圍千古異事如此忠肝義膽好漢出入萬死一生救全城旦夕之命不薦于上而官之使寂寂以壯丁終尤為千古恨事此傳表微

闡幽盧和死不朽矣

黎京兆傳

黎致遠字寧先福建長汀人。名所居曰柳堂。門人因以爲號。父士弘字媿曾歷官叅政。以文章吏治名於時。致遠年廿一登康熙丙子賢書。時叅政已大耄矣。長兄文遠辛酉舉人。仕山東新泰令。叅政卒。致遠遵遺教。喪葬悉依古禮。不用浮屠。時人異之。戊子春。應闕撫張公伯行聘居會城。修書講學者一載。己丑成進士。選庶常。壬辰授翰林檢討。時士風猶尚干謁通聲氣。以詞臣當持衡。門多如市。致遠獨峻弗納。終日

肩扉絕奔競時人以為高不可攀莫敢以私語者公

卿間雅慕才名冀投一刺不可得大學士李公光地

已丑會闈座師也方宣白麻倡正學教誘後進門墻

甚盛以致遠同鄉植氣節獨加敬禮致遠淡然每進

謁起居數語輒負墻而退或以為太冷不近情李公

獨喜曰賢者也張公伯行任倉場總督屬吏有知致

遠與張厚者願納交餽問慙致遠峻却之戒閣者

曰彼為倉場張公來非為我來也張公以正人待我

我豈藉張公以為利且我生平自命居何等可於此

可謂知人



兩失之乎。丁酉典試粵西。願納交者踵其門。詭云與太史公面言。留白金四十兩。家用家人辭不獲。置笥中。致遠粵。還甫踰闕。行裝未卸。詢家事。家以爲言。則大驚。命送還家人。請俟卸裝。不可且。詈曰。吾旣知之矣。此豈可片刻存哉。聞者歎服。庚子冬。奉命督楚學政。痛抑奔競。先品行。而後文藝。一時拔擢。稱得人。成進士。讀中秘書者甚衆。雍正二年甲辰。還朝復命。上疏通言路。加意詞臣。欲使敷歷中外。明體用以備任使。授致遠吏科給事中。致遠忠誠慎密。每奏輒焚

着○意○

如○此○方○是○若○遲○回○猶○豫○便○苟○且○矣○

草雖至親不得聞丙午春以保舉山東巡察引見

上大喜謂廷臣曰此人可大用山東巡察未足展其

長湖廣係兩撫地大事煩命巡湖廣改奚德慎山東

上又言此人大有見識前歲年羹堯方盛他人未敢

言獨密陳請加裁抑深為可取蓋致遠此奏留中舉

朝無有知者至是皆竦然起敬且服致遠之果不循

人也致遠奏請馳驛遍歷荒州僻縣旨俞之賜

紫貂錠子藥以行單車赴所部弊絕風清驛站塘汛

皆肅然盜賊屏息靖州有謬冲花衣苗怙險為寇截

慎密實在此可敬

足見

皆肅然盜賊屏息

商旅抄村落守令苦之然畏及兵戈多遷延觀望致

遠慨然謂宜亟治無使羽翼日多根柢深固為害滋

大移檄督撫提鎮言謬冲花衣苗焚劫抄掠毒害州

邑小民痛恨深入骨髓環輿泣訴咸謂該州詳請會

拿民皆鼓舞以為更生不虞黔省稽延推諉徒費文

移肆惡猖狂日甚一日方今

天子聲靈四訖澤被遐荒當事文武兼資壯猷偉畧

蠢爾不悛難于寬宥所當殲而殪之以示創懲之威

不徒驅而去之僅紓旦夕之憤不知黔省官弁何以

稽延推諉一至于斯以封疆之嫌耶則天語煌煌

罔分彼此以山峒之險火鎗之毒耶則楚人粵人亦丁辭以對

重身命况苗性至惡莫甚于謬冲毋論在黔在楚總

宜發兵勦捕懲一儆百化熯還淳倘再濡遲觀望致

使生靈遭殃貽悞封疆咎將誰諉於是諸當事感動

奮發齊聲勦擒粵黔兩撫提督以兵四面阻絕湖廣

官弁采入進勦渠魁就擒旬月平定楚人嘖嘖歸功

致遠不任受也明年報政命往江南稽察河工錢糧

未幾遷光祿少卿復遷奉天府丞俱未行比役竣則



丁母艱。奔赴京邸。哀毀不自勝。復拜大理寺卿。給資  
扶柩南還。己酉。命典江南鄉試。庚戌夏六月。授奉天  
府尹。兼盛京刑部侍郎。奉天爲國家龍興地。勳貴  
莊屯。禁網踈濶。屬吏多因循積習。不能自奮。致遠極  
力振飭。以興起士風。民俗爲已任案。無停牘。官無玩  
愒。遠近肅然。又修舉文廟禮制。鄉飲酒禮。刊圖式。頒  
行各州縣。講習在刑部。則常以欽恤爲心。多所平反。  
飭各司。無濫刑。出俸錢資囚米。罪人多賴以全。活年  
五十六。以疾卒于官。囊橐蕭然。無百金之蓄。屬吏士

民助其喪以歸舊屋數椽不蔽風雨蓋致遠嘗言吾

仕宦二十餘年不敢他有所積以玷先人清白惟大

叅公文集失序編次訂訛刊刻成書吾願已畢子孫

貧寒非吾所及也是以畢生未置田園半畝先世所

遺亦于巡察湖廣及查河時鬻為資斧不少留今妻

孥餽粥不充而家聲弗替

論曰京兆性端介立氣節一生無所依附座客或涉

勢利言某人遷某官則笑曰何足道或舉杯飲之曰

後但言立身行己人以為孤高絕物不可攀躋矯矯

高處在此

大過人處在此

清風介節非人所及

此之謂善鑑志

乎。雲。中。之。鶴。也。然。和。平。謙。雅。與。人。無。競。舉。動。豁。達。開。  
誠。直。爽。以。此。人。多。愛。慕。之。歷。顯。仕。官。九。列。無。半。畝。田。  
宅。以。累。子。孫。可。不。謂。大。丈。夫。乎。  
○百○桑○者○更○難○

敘次質樸不事鋪張而京兆一生介節覺奕奕有  
聲有光不止雲中鶴而已論贊尤高古可傳

仁官... 年... 每... 精... 功... 先... 不... 自... 精...

... 及... 以... 生... 夫... 固... 年... 則... 夫...

學存於心。止。雲中。興。而。占。餘。養。大。商。古。可。對。...

始。大。道。對。不。事。論。海。而。京。兆。一。主。介。前。覺。奕。奕。有。...

... 以。累。子。繼。而。不。斷。夫。夫。非。無。所。依。附。恩。澤。...

... 直。與。以。出。人。多。變。慕。之。聖。照。此。道。真。無。半。毫。...



鹿洲初集卷九

漳浦藍鼎元玉霖著

衡山曠敏本魯之評

傳

郭賢婦傳 媳莊氏附

郭氏字真順。潮陽周伯玉妻也。伯玉名瑤，以字行。少負志節，好讀書。元至正中，舉茂才，異等不就。隱居自樂，與郭氏相敬如賓。時稱海濱冀子。郭幼聰慧，父教

論授以書。輒不<sub>是</sub>忘通經學。旁及子史百家。能為詩。尤長於古。為人有智識。善談論。當世是非得失。事了了胸中。片言斷決。雖老於謀者。無以過也。元末大亂。盜賊蠭起。從伯玉避居村寨。寨眾方潛思嘯聚。以聯絡守望。保鄉村為名。聞伯玉故長者。羣推領袖。將奉以主寨事。伯玉許之。歸以告郭氏。郭曰：不可。寨中諸少<sub>看</sub>年方驍桀。自用其氣。不可下勢。皆不能為人丁。而公為禍首。不亦愚乎。夫矜能銜智者。敗輕敵寡謀者。亡不度德量力。而先於眾者。禍外負智勇之名。內收敗

左國無味

卓議

亡之實公何為一至於此伯玉曰吾已許之矣奈何  
郭曰第稱疾勿往請得為公謝之居數日眾果詣伯  
玉所伯玉佯卧不起以病報眾頗失所望然猶以為  
稍瘥即視事也郭氏因斂衽再拜辭曰公等不知伯  
玉無能謬推重寄光榮已極雖駑劣不堪猶思矯首  
自奮勉慰眾望不幸福薄災生當幾疾作此天所以  
限伯玉也願公等熟計更立賢者無為伯玉猶豫致  
失事機眾然其言遂引去別求主立之未幾以意見  
不協殺所立者自相雄長寨中大亂為鄰賊所陷伯

不出所料

善于

玉幸不罹于難人咸服郭氏先見云初寨中多農賈

儔相尚積粟郭獨勸伯玉分散之無餘歲日暮索綯

人莫喻其意至是賊入盡燔所積聚伯玉引繩繫妻

子併自縛如被掠者賊不以為意也乘間得脫至溪

頭寨居焉明太祖定天下命指揮俞良輔帥眾南征

時寨人尚未歸附俞以兵至將勸之郭氏乃作頌俞

將軍引一篇遮道上之其辭曰將軍開國之武臣早

攀鳳翼附龍鱗煙雲慘淡蔽九野半夜捧出扶桑輪

前年領兵下南粵眼底羣雄盡流血馬蹄帶得淮河

保寨計

妙計奇

奇

為



水灑向江南。作晴雪。潮陽僻在南海瀕。十載不斷干  
戈塵。客星移處萬里外。天子亦念遐方民。將軍高名  
邁前古。五千健兒猛如虎。輕裘緩帶踏地來。不減襄  
陽晉羊祜。此時特奉聖主恩。金印斗大龜龍紋。大開  
藩衛制方面。期以忠義酬明君。宣威布德民大悅。把  
菜一笠誰敢奪。黃犢春耕萬隴雲。鼂旒夜卧千秋月。  
去歲壺陽戍卒時。下車愛民如愛兒。壺山蒼蒼壺水  
碧。父老至今歌詠之。欲爲將軍紀勳績。天家自有麒麟  
筆。願續壺民歌。太平磨崖勒盡韓山石。良輔得其

詩○中○有○畫○

詩大喜郭因力言寨人無反狀良輔曰此賢女所居其民必馴麾兵去溪頭寨得免誅夷郭氏脩辭之力也洪武中舉伯玉賢良方正徵書至郭氏又止之於是伯玉辭不就以山林終有子三始終一節婿礪礦皆以儒術顯祿于朝少子彥器卽礦也以字行舉名儒第一歷官河南布政司叅議終朝列大夫郭氏百二十餘歲時伯玉與礦俱先卒里人高其行崇祀鄉賢而郭以年老一省母家作歸寧自叙其辭曰天甲年來度二

湖暮景榆景雪盈頭五經立業儒家雅三子成名壯

志售橋梓有光聯俎豆柏舟無憾泛橫流階前蘭玉

森森秀斑綵扶來到首坵又數載卒年一百二十五

好大年

歲長子借字彥敬為棲霞縣令其妻莊氏亦讀書知

大義居常以禮自閑元末盜起鄉民多依山谷間賊

至挈妻孥入巖穴避之一穴多至百十人男女無別

莊氏獨不入彥敬促之莊氏曰男女授受不親行則

言言正論未

異途居不雜坐禮也今以亂離之故混處巖穴之中

免有迂拙氣

雜然無辨廢禮甚矣妾不敢也彥敬曰然其如賊至

理正

且擄何莊正色曰無禮而生不如死即不幸見掠君

謂妾不能死耶請先試之引刀自刎而死後三日賊  
大舉破其鄉無保全者君子謂莊氏賢而且智云彥  
敬感其義終身不娶

論曰郭真順閨中豪傑也其賢智則合陳嬰母卒憲  
英爲一人文學禮法曹大家之流亞也其志行清高  
則老萊陳定王霸之妻差堪上下其享大年一百二  
十五歲則古今未聞有此不得不推貞壽獨絕矣二  
子皆賢流芳奕世得天之厚至於此乎婦莊氏有賢  
德以禮自閑殺身明信在當日良人與偕卽入穴不

不可無此一層議論



畏無別遽爾捐軀似爲賢智之過由三日後觀之則  
後先均屬一死莊氏之智爲不可及矣是姑是婦可  
爲禮宗誰謂巾幗場中遂無蓋世豪傑哉

真順千古異人莊氏亦非常婦得鹿洲史筆以傳  
之奇人奇文可稱雙絕

女青人青女命相

具陳千古是公在

命師宗師

命師宗師

命師宗師

洪烈婦傳

烈婦洪氏漳浦杜潭農民薛燕妻也。父洪仁母吳氏。禱北帝廟神而生。氏生顏色有光。因名艷娘。性警敏。寡言笑。數歲習女紅。工絕。年十八歸燕。燕故族微。又以大父父避亂江西。往來遷播。家產零落。饘粥或時不充。洪氏處之。宴如也。姑早故。故事翁以孝聞。及居翁喪。哀毀如禮。營墳奠祭。必與燕偕。遇家中妯娌大小和睦。無間言。二十八歲不宜子。抱養又不育。朝夕慘然。勸燕置側室。曰。但得有宜子者。吾以身下之。燕

以貧。而薛門祚衰。替燕兄弟相繼淪亡。燕亦染血症。臥牀褥。洪日夜扶持湯藥。不離側。燕不食。則與俱

不食。及病篤。絕粒。亦如之。舉家惶懼。勸之餐進粥。數

口而止。蓋度燕疾必不起。有殉亡之志矣。先是洪事

母孝。母吳最鍾愛之。家既相近。時來往饋遺。每見母

及門。欣然竟日。至是聞壻病劇。來視女。與處六十日

洪獨不喜辭令去。母微叩之。答曰。生為薛人。死薛鬼。

耳。吾上無舅姑。下無嗣續。從夫而死。義也。母為好言

勸慰之。則曰。我死正也。母母戀我。母一日携菜乾來

知大義

勢不可為無如何矣

正以喘不刑



鶴之具曰我死正也母毋絕我

遺洪棄諸地曰我與婿食不盡矣。姒吳氏在旁私謂

曰。婦素孝。何遽如此。垂淚答曰。母極鍾愛我。曩者嘗

母讀之聲淚俱下

云。女若死。則我與俱。我果死。母必哀痛成疾。是重我

不孝也。今故拂逆。令異時不我戀也。母終不忍去。因

勸立嗣。姒吳氏有男三。願以手抱者為繼。洪懇之曰。

幸次者與我稍長。易成立也。燕疾篤。湯藥多不能盡。

輒自飲之。母遽阻曰。藥豈可苟飲。曰。生死與共。藥何

亦正是理

有焉。且夫所食也不可棄。地一日呼小姑綾曰。汝曩

嫂來為我計。世間會有大棺。可兩人同殮者否。嫂曰。

我與汝繼。汝當撫兒子成立。安得死。則陽笑曰。謝如繼我。我戲耳。焉有許大棺可昇出門者乎。時掌生蛇

頭瘡腫。及於臂。日夜抱持其夫。略不覺痛楚。逮燕疾

已革。難久留。反陽言夫症漸回。且瘳。因強食言笑。以

詩多委曲。只要給母去耳。

慰家人。日給母令去。母憂亦稍釋。乘間謂母曰。母離

家久。宜往視。明晨北帝誕。祭訖再視。余是晚。母去。洪

氏盥櫛沐浴。家人未喻也。夜二鼓。燕氣絕。洪獨抱坐

牀。哭聲起。家人奔救。移時復甦。比雞唱。眾皆倦。因放

令穩臥。辭家人回息。獨小姑綾侍。留不去。給之曰。汝

兄睡矣。我亦將息。片時無留。此綾出少頃。燕沒。洪氏  
為燕揭寢帳。端蓋。衾自著新履。緊束內衣服。嫁時裳。  
服取繒帛交頸懸牀。楷端坐而死。天欲明。綾叩問無  
聲。擠戶入見。嫂頭頸低向殘燈未滅。呼之不語。方知  
與兄俱逝。時康熙壬辰莫春三日也。夫婦年俱三十  
歲。鄉人哀之。浦紳士言於汪令君。以其事上聞。請旌  
焉。

論曰。杜濬薛氏世未有通顯者。至明孝子薛大義。垂  
邑志。族始有聞。燕故農家。祖父四世同爨。代有令德。

補筆妙

又得洪氏爲之婦亦足榮矣洪少不習詩書乃能勇於取義如此孟夫子所謂性善不其然乎人苟能自樹立巾幗猶堪不朽爲丈夫者鑒諸

洪烈婦處心積慮成於死者也上無舅姑下無子女一死亦極妥貼但母女之際殊難爲情耳讀至垂淚答曰一段令人腸寸寸斷矣



賴烈婦傳

賴烈婦名媯娘。平和士人張習妻。鄉飲賓。賴天向女。幼端莊。不苟言笑。年二八。歸習。夫婦歡相得也。事舅姑。極誠敬。居處肅嚴。動有禮法。己亥秋。習病。服事惟勤。多竟夜不就寢。庚子夏四月。習卒。賴氏哭且號曰。我事君。曾未幾日。胡遽舍我去耶。屏水漿。絕粒朝夕。哀奠家人。慮其有引決意。頗防之。時以習父母在堂。靈座置內室。賴嫌几案狹小。涕泣請舅姑大之。從焉。事死如事生。檢習所讀書。整齊卷帙。供座右。一日抱一歲女。至姑

前情詞悽惋若寄託狀要緊亟請為夫立嗣五月之四日

可。甚

心。事。畢。矣。

嗣定設祭畢拜謝舅姑遂怡然加餐飯姑與之桃劈

其半嘗之以美者奉姑家人謂其哀稍節也不知賴

已先期令婢子向鄰人假薙髮寸刃為自裁計矣和

造。次。亦。齊。眉。

從。容。極。矣。

顏入內引髮坐靈座旁從容自刎將刃置几上姑聞

亦可。

房闈內有哽咽聲亟趨視死矣血淋漓注衣端坐不

更人。午。

仆時年方十有九也姑為理髮盥洗則見刃痕已聯

合無間止一線微紅翼日殯殮顏色如生邑人士奇

之以告于大尹談君請旌獎以勵風俗

論曰賴氏不待終喪急於死者也然不死絕粒屏水  
漿之日而死怡然加餐飯之時殆明于死易立孤難  
者耶宗祀有傳從容就義不造次矣若夫端坐不仆  
刃痕自合則正氣精誠團結鬼神陰呵護之非人力  
矯強所能然也乾坤柱礎得之蛾眉嗚呼偉哉

九原可慰死才有功

地維賴以立

三載夫妻矢志殉亡可傷殊甚然必待立嗣既定  
而後引決則一片為夫存祀苦心更可憐也欲死  
之速不待終喪即嗣定之後亦不能再延一日非  
勇于取義者能之乎有此傳烈婦死不朽矣

... 且說那...

... 且說那...

... 且說那...

... 且說那...

... 且說那...

... 且說那...

... 且說那...

... 且說那...

... 且說那...



林烈女傳

林烈女名萃娘漳浦烏石人也。幼穎異。從女師李氏。  
原。從。學。問。得。來。授曹大家女誡。通達大義。稍長。好筆墨。晨夜不輟。其  
父呵之曰。汝欲作女博士耶。婦人勤織紵。宜酒食足  
矣。於是學女。紅亦軼儕輩。性孝順。無疾言戾色。足不  
踰闕。羣從兄弟。有終歲未嘗覲面者。蓋其貞靜然也。  
德。性。年及笄。許配雲霄人吳鶴鶴。為邑學生珩三子。二昆  
相繼歿。沒未幾。鶴又病。女聞以為憂。多托故不食。夜  
則焚香禱于天。乞減已齡益之。庚寅某月日。鶴竟死。

女聞訃哀慟請命父母乞奔喪父以女未見舅姑行

婦禮且烏石去雲霄百里餘弗許因悲甚中夜自經

母呼家人破戶救之良久乃甦自是寬慰百端許以

不再適人而女亦若有所待者布衣蔬食屏黜鉛華

凡親族婦女喜慶宴遊諸務概不與聞矣在父母前

或勉強笑語每當風朝雨夜嘗以吳事為憂流涕哽

咽枕畔淚痕至透牀褥不敢令父母知也其意在吳

家立嗣歸而撫之而吳之二昆既歿繼母所出者尚

幼久之寂然女度吳家終無立嗣意乃決計完貞與

者為此耳

為立嗣

所以未死

女伴諛曰吾命薄不如人而諸姊遇我厚不忍遽別

慘○然○惜○不○令○吳○翁○知○之

吾今無他望矣吳嗣不立吾其死也衆駭愕未信女

曰若第視之室中有井吾畢命之區焉女伴多方勸

解不可回因相對歔歔潜然淚下一日母語其父以

議嫁

女終身事為謀父應之曰吾已名媒妁有成議女默

不○死○難○得○如○此○爽○快

然歸房中衣吳家納幣裳服投井以死時辛卯仲冬

十有八日也年二十歲出其屍笑容可掬衣帶中有

妙○妙

屍歸吳三字乃聞於吳合葬焉邑大尹汪公白其事

于上憲褒之

論曰余觀林女奔喪不得立嗣不能其志誠可悲也。彼與吳鶴初未謀面乃能引決自完可不謂知大義者乎。心同皦日骨冷寒泉雖其德性固良亦得力於○之○功○欲○天○下○婦○人○皆○讀○書○明○理○也○。班氏女誠者世俗動言教女不令識字何其謬哉。不死于夫亡之日而死于議嫁之時可謂不造次者。使吳家肯爲立嗣則歸而撫之可也。使父母勿奪其志則長侍膝下可也。從容就義慷慨完貞非學問涵養者不能。



貞節汪太君傳

汪太君八旗名媛也年及笄歸覺羅為宮詹某公繼

室撫丈夫子三慈愛篤至持家有禮法戚族欽聞範

焉覺羅天潢懿親宮詹弱冠授職累遷詹事府少詹

事以剛獲戾遭籍產蕩析流離至無立錫地汪左右

支撐佐宮詹敦睦宗黨晏然若素歲丁卯宮詹卒汪

矢志殉亡哀毀絕飲食已復念死易立孤難恐藐諸

無所倚賴有負亡人臨終丁寧之托因強起襄葬事

含痛撫孤時年二十有二也家既中落茹荼集蓼甚

艱辛惟望三子學業有成勉强延名師叙事詳截所居斗室

密而筆極疎宕

之半為家熟鬻衣飾市經書楮墨饔飧脩脯備極誠

敬已而貧益甚漸不能支命負笈就外傳又不能乃

躬自課督風雨篝燈聲淚俱下其後併無賃屋資棲

歷歷如繪

身靡所因賃地結篷編籬為屋以居或晨炊不繼朝

夕教諸孤感動奮發讀書立志無替祖父家聲諸子

偶息學嬉遊則號泣捨地痛刻責如不欲生皆哀懼

簡峭

長跪請改然後已由是大加愧勵癸酉秋闈伯子逢

泰季滿保同舉于鄉甲戌庚辰先後成進士官翰林

丙子仲子元旦亦舉于鄉三孤皆成名辛卯冬滿保

授福建巡撫乙未總制浙閩江就養官舍凡地方大

事民生休戚惓惓詢問或拯溺救焚減餐分食冬則

命僕婦製綿衣數百給繫獄者戊戌逢泰督學西秦

汪遠賜手書訓以公明二字克遵母教赫然而聲名

庚子秋朝命博訪八旗貞節以汪氏青年守志懿行

可嘉更從艱苦勞悴中閱歷年歲者甚久不可泯沒

特加旌表海內榮之辛丑夏疾作聞報臺灣土賊朱

一貴倡亂急命滿保星馳廈門調水陸諸師征剿復

一筆談括

頓住

時時寄語勉以竭力王事且常作手札示老人康強  
無爲湯藥分心六月捷書至喜動顏色焚香告家廟  
謝神庥謂人曰臺灣平地方寧社稷無疆之慶兒能  
了此吾無憾矣閏六月十三日卒享年五十有六  
論曰乾坤不敝賴有爲之柱礎者匪獨丈夫然節婦  
亦其一也顧立節各別烈易而貞難守貞者富易而  
貧難若汪太君生長富貴粹處窮約則其難爲更甚  
矣鐵骨凌霜丹心貫石雖有偉然大丈夫未足方茲  
梗概也聲光滿紙重陰雨雪而後復見麗日和風景星卿雲之



美又三子皆成名。能建非常之事業。造物者亦以其  
難報之矣。當宁褒旌流芳百世人。顧可不立節哉。  
叙撫孤處瑣而能雅散而能整。具此妙筆。顯幽發  
潛有功。風化不小。



薛節婦傳

節婦薛氏河南懷慶府脩武縣民。薛道生女也。年七  
歲許配邑人傅文鳳。文鳳能讀書遊泮水。康熙辛卯  
薛年十九歲。議以臘月二十六日于歸。將及期。文鳳  
病篤。父母舅姑咸議且遲之。薛勵志已定。詢其母曰。  
病何如。母曰危甚。恐不起。故欲改吉期也。曰期改而  
病可痊。改可也。改而不痊。置我何地。父母哀其志如  
期。遣之入門。趨視疾。文鳳家素貧。卧病土榻。已大劇。  
手足不能動。移湯藥須灌。乃入口。薛晝夜侍側。終不

一語潛然寸心刀斷矣

四○字○見○全○身○

寐舅姑諭令少息垂淚對曰夫一息尚存婦尚為有

夫病勢如此欲長在榻前能乎如是者十有四日而

文鳳卒矢志殉之舅姑哭曰兒死次子幼風燭何所

依幸留養我二人婦曰諾頃之所親或勸他適得聘

金以為養正色曰是玷傅門辱舅姑也躬紡績織紝

粗糲自安市甘旨以奉又三年舅沒拮据衾斂哀毀

盡禮夫弟年稍長為納婦每以儉勤孝養訓誨之居

數月見叔與娣可以事姑也慨然曰吾無身後憂可

從夫地下矣遂絕食八日而死臨死謂姑曰婦不能

薛氏節孝完全無虧矣

婦教之也

死有道

三字見薛氏苦心

欄得斬哉



終養與不孝同姑年老無悼傷且家貧餬口維艱幸  
勿以新衣斂遺婦以不安也姑從之時丙申夏四月  
二十有二日婦年二十有四歲

論曰薛氏之志可哀也十四日湯藥夫妻五年中茶

蓼子婦義盡仁至吾無閒然矣世道昌隆風化盛美

四○字○斷○得○確

貞孝節烈所在多著未有如薛氏者見之定守之固  
出之以從容成之以果決雖聖賢處此不過如是誰  
敢以巾幗目之

夫死而婦不死爲舅姑也舅死而姑未死婦何以



朱貞女傳

朱貞女。江西人。高安朱氏女。建昌李家駒未婚妻也。

幼絕異。不喜華綵服。或衣之。輒啼脫去。乃已束其髮。

以絳絲亦捫起擲地。比長好讀書。通四書小學周易。

毛詩小戴禮。歷舉傳疏。悉能窮奧義。旁及史漢唐宋。

八家姊妹篝燈。唔咿弗輟。諸妹喜為時文。貞女獨不。

曰。非閫內事也。性至孝。事王父母。父母咸得歡心。每。

膳必躬進。食必立侍。暮必手整衾席。出立戶外。俟卧。

乃去。晨則立戶外。問安否。起乃入。庶母諸母胥敬愛。

詳述貞女之學

貞女之性。便自過人。

貞女之孝。叙次入古。

之。凡。家。庭。事。惟。貞。女。是。聽。女。亦。善。事。庶。母。諸。母。調。和。  
 雍。睦。內。外。無。閒。言。貞。女。父。奉。命。督。秦。學。遣。家。屬。自。京。  
 師。還。母。陳。夫。人。卒。于。道。貞。女。扶。櫬。抵。里。治。喪。極。哀。毀。  
 嗣。後。每。日。必。哭。哭。餘。操。家。撫。弟。妹。親。授。課。業。少。閒。復。  
 哭。如。初。喪。者。三。年。奄。奄。骨。立。見。者。莫。不。哀。之。所。許。字。  
 李。氏。子。家。駒。以。康。熙。辛。卯。舉。鄉。闈。無。何。遽。疾。卒。訃。至。  
 家。人。秘。弗。告。也。貞。女。覺。泣。三。日。不。食。謀。奔。喪。王。母。諭。  
 之。曰。若。知。禮。者。俟。若。父。來。也。及。父。歸。自。秦。恐。傷。父。心。  
 承。歡。如。平。日。居。久。之。乃。因。王。母。語。父。請。之。李。終。喪。父。

詳。寫。其。○



承勸如平日居久之不日三言  
以常理勸慰貞女流涕哽咽志堅決不可回絕食二  
日乃許之將行問何服父曰於禮無之汝裁之以義  
勿問我遂行登舟乃喪服比至李氏舉家白衣冠號  
慟出迎鄰里皆雪涕貞女從容謁祖姑舅姑如禮然  
後適喪次慟幾絕廟見後克盡婦道奉養畢周暇則  
手一卷自娛脫粟飲水宴如也家遣人視之則謂曰  
歸語大人兒無苦也百年瞬息未亡人待盡耳毋以  
爲念久之薦紳士大夫高其行喧傳當道議表閭貞  
女力請舅姑峻拒之且書告父曰兒事非中道自行

所志而已庸求名乎脫以名加之死矣事得寢已而

素食不茹葷父曰何苦對曰偶不喜耳行且復矣其

實權詞也父丁王父艱詔奪情再疏辭不獲日夜卧

地哭嘔血復草疏賓朋皆諫阻貞女泣曰大人不得

歸雖官柱國年上壽猶無與耳彼諫阻者非所以活

我父也誠無不格當邀聖鑒既累疏請卒得歸甲辰

元日京邸鄰舍火延燒數十家勢甚烈闔室倉皇遷

避貞女獨不出曰死吾分也宋共姬何人哉反閉戶

坐室中姑熊夫人破戶入持出之火遽熄得免是夏

此處更不可及

大義凜然

仲父西鄉令君卒。父聞訃，悼傷過甚，復嘔血。貞女歸，寧驚痛，不能寢食。每夕伺安否，或流涕坐達旦。以是嬰寒疾，不令父及翁姑知。及知，爲醫藥，弗肯曰：「吾女子何可令醫人診視？父強之，固以無疾辭。」弟員外郎必堦，孝廉璣泣請。貞女笑曰：「吾豈畏死者？寧死必不可。知。引。於醫人腕下生也。」臨終謂兩弟曰：「死無恨矣。但吾父吾舅姑，勿以我死爲痛則瞑目耳。」又曰：「我一生未嘗以寸金尺帛加于身死，毋負我。」遂卒。時雍正甲辰冬十月六日也。年三十有四歲。

論曰朱貞女壺內完人也少惡紛華知奉養德性固  
已殊矣凜凜節義從容乎以禮出之則亦由於學哉  
貞女爲今相國高安朱公長女少司空建昌李公子  
婦余恐以貴盛掩其賢故于傳中不叙父翁之名位  
非闕也

貞女至性過人又能深之以學其純孝大節豈惟  
閨壺中罕見其匹卽鬚髻丈夫應亦聞之驚悸矣  
寫情寫景可歌可哭固是有功風化之篇



盧烈姬傳

盧氏潮州鎮總兵薛受益妾也。先是受益化閩爲建

寧副將。將清明日出遊于郊。遇婦女結羣祭掃先墓。有

女郎衣黑衣跨驢巾。悅果動異人裙履皆如墨。飄飄不類人間。

媛也。受益以爲異。縱馬觀之。風來。悅起奇麗。非常詢

從者。知爲府小吏之女。年及笄。未許人。受益屬郡守

求爲貳室。強可受委禽焉。入門。受益遷潮帥。盧隨任之。潮

旦夕事主君。甚謹。動止皆有禮法。受益及嫡妻屠氏

皆愛之。受益多內寵。好交遊。客多拜受益爲義父者。

卷之...

於○是○諸○姬○皆○有○義○男○年○節○悅○辰○稱○觴○上○壽○甚○噪○盧○獨  
 拒○不○納○曰○焉○有○二○十○歲○之○母○得○三○四○十○歲○兒○乎○時○仲  
 坑○山○開○銀○礦○鎮○轅○月○有○陋○規○每○至○盈○千○百○諸○姬○攘○臂  
 競○攫○之○受○益○以○為○笑○盧○凝○立○不○動○即○與○之○亦○不○受○曰  
 無○所○用○此○居○久○之○受○益○以○疾○卒○諸○姬○慟○甚○盧○從○容○如  
 禮○舉○哀○數○聲○而○已○見○嫡○氏○哀○毀○反○勸○慰○謂○死○者○不○可  
 復○生○夫○人○幸○為○兒○曹○強○自○愛○勿○過○悲○傷○恐○生○疾○妾○當  
 從○地○下○侍○巾○櫛○耳○諸○姬○掩○口○擲○揄○之○越○翼○日○盧○櫛○緹  
 笄○總○衣○紳○綦○履○內○衣○縫○紉○相○連○極○緊○密○上○堂○向○嫡○再

常情

康靜寡欲

謹中無密

拜曰妾不才事夫人不克終今將隨先君於泉臺矣

屠夫人泣曰若年少母自苦苦若未有子女虛負一生猶是

吾當為若善處之盧謝曰妾志決矣諸姬猶竊笑且○手○如○故○態○却○亦○怪○不○得○他○

恚曰撒嬌耳哭且不盡哀何有於死盧悉出平生所

蓄積簪珥衣服朱提玩好針黹雜物遍遺室人然後

及其母其父其兄皆拜辭道別眾以好言慰諭亦未

敢遽信也還入室取繒帛為纒挂柵架上投而逝家○爽○決○

人大驚喧傳潮郡守梁文煊聞之遽往視曰烈哉風

化所關不當置屍側室命昇出中堂視含斂拜而奠○節○守○亦○得○

之司馬別駕海陽令丞尉各營將弁及鄉士大夫皆  
往拜厝其棺于受益之旁時康熙四十一年秋八月

二十七日也受益山東人事母孝時稱薛孝子盧氏

聞之建寧人殉節時年二十有八歲

論曰婦人以立節為尊分位非所計也使盧不死不

過尋常一麗姬天下豈少美人哉從容就義骨有餘

香雖泰山之重禴翟之榮無以加於此矣世有身為

大臣高談殉國而或呼家人餉猪或遍辭墳墓親戚

終不克死者對北方知盧氏之貴也盧非土著海陽



邑志逸其傳余聞之不沒人功山人陳瓊特表而出之

烈姬舉動種種出色却又周到細密從容慷慨兼而有之作者慘淡經營極游龍矯潔之致太史公得意筆也



許門節婦列傳

吳氏南靖崎溪儒家女許逢桂妻也逢桂明進士

卿公祚昌從孫世居漳浦之西郊景文里兄弟四人

長逢春桂其次也三逢龍四濤餼于庠皆醇謹力學

能承祖父教在舊閩中最號有家法桂年十八娶吳

年十四春結褵冬舉子時泰未幾桂沒吳年十七自

矢守孤親戚哀之而懼其難也吳從容鎮定喪次外

罕聞哭泣聲惟孤兒飢飽寒暖飲飼衣服是節家中

貲產出入大小諸務悉聽翁姑及伯叔處分不叅一

○專○志○字○孤○不○問○貲○產○節○婦○中○之○最○得○體○者○

毫○已○意○時○泰○既○就○外○傳○猶○躬○爲○執○巾○沐○垢○撫○若○嬰○孩○  
泰○性○孝○能○自○立○悲○母○之○苦○節○也○念○非○讀○書○莫○可○以○成○  
名○報○母○者○稍○長○善○屬○文○娶○婦○蔡○氏○西○林○士○人○女○與○泰○  
生○同○年○亦○純○孝○相○得○甚○歡○週○年○而○有○子○一○堂○之○上○三○  
代○怡○怡○衆○謂○節○婦○功○成○矣○亡○何○而○泰○卒○年○二○十○有○一○  
蔡○晝○夜○號○哭○不○欲○生○人○勸○之○不○止○每○哭○輒○嘔○血○謂○姑○  
曰○母○年○甫○三○十○四○可○撫○孤○孫○成○人○兒○夫○婦○不○孝○負○罪○  
相○從○地○下○耳○血○淚○俱○盡○後○泰○一○年○而○卒○遺○孤○能○振○方○  
三○歲○吳○撫○之○衣○食○浣○濯○教○誨○視○撫○兒○時○加○謹○能○振○舞○



勺象每言及父泪涔涔事祖母奉命惟謹所親皆為  
 歡慰吳亦竊復自慰謂此子之庶幾有成立也年十  
 九將授室矣忽病沒吳拊膺呼天大慟曰吾年十七  
 哭夫守子三十四哭子守孫謂孫在子與夫俱在耳  
為鳴咽  
 今孫又亡三世拮据惟我一身我更何守哉絕而復  
 蘇自是哭不輟時輒昏暈與語多不省夫弟濤攜其  
 子時彰告以為嫂立繼領之而已遂不復起以雍正  
 癸卯夏卒年五十四行道聞者莫不隕涕欽其節而  
 哀其遇云時彰入繼時方十齡可喜今成立矣

吳氏性娘。逢桂妻族妹也。年十六歸逢龍。性和而能  
 敬。動止言笑。事事有禮法。似承理學家閨訓者。逢龍  
 沒。氏年二十四。遺孤時夏。方五齡。次時旭。未及二歲。  
 自以孤幼。舅姑在堂。不可頃刻離。凡十餘年。不歸父  
 母家。雖父母強之。不往也。姑有疾。氏顰天。願以身代。  
 視湯藥。卧起扶持。疴癢抑搔。徹晝宵衣。不解帶者五  
 閱月。或夫弟從子侍。間歸已室。然漏下三四鼓。輒起。  
 有呻吟聲。卽立至。姑喪數日。不食。乃啜糜粥。過時而  
 哀漸成疾。久益病。見者皆知其不永也。時夏長授室。

可憐

純孝

得體

既彌月吳扶病喟然發嘆吾今日可歸寧父母矣亟  
命駕之母家比還病益甚召二子曰昔不從汝父死  
者爲汝兄弟幼代汝父奉二老餘年耳今吾事已畢  
有婦可理中饋沒吾寧也汝兄弟事叔父母宜如父  
○垂○爲○家○訓○母愛諸兄弟宜如同胞敬守先訓勿替家聲吾與汝  
父含笑九原矣時惟季娣林氏齊眉多子而長娣林  
氏仲姒吳氏皆青年撫孤氏將與之永訣也命兒婦  
皆肅以來談竟日悉處家格言可爲兒孫世世法又  
言我等妯娌同事數十載未嘗聞一間言不知後來  
○讀○者○亦○當○爲○淚○下○

人肯如此否。灑淚握別家人旁觀無不泣下者。以康

熙丙申冬卒年四十二

長如林即逢春妻也逢春沒撫其四子少子時盛又死林併撫孤孫今年近七十矣

孫支蕃衍傳姑關之以待來者

鍾氏邑文學鍾重華女年二十歸時盛有賢德內外  
井井時盛力學有聲年二十八而歿鍾矢志柏舟撫  
二孤八載以哀毀成疾而沒

論曰兩吳立節皆足撐持宇宙大吳之事自古鮮聞  
哭夫哭子哭孫五十一年之間三歷奇慘孫亡何守  
聞其語而不墜淚者非人也小吳純粹可為禮宗功



成。瞑。目。鹿。水。梁。山。此。二。氏。大。足。增。色。矣。蔡。與。鍾。皆。之。  
死。靡。他。以。哀。毀。孀。年。不。求。合。未。亡。人。觀。之。何。許。門。之。  
多。苦。節。也。余。聞。大。雪。之。後。必。有。陽。春。苦。節。之。家。當。有。  
達。者。能。無。望。於。其。後。之。孫。子。乎。  
必。然。之。理。

一門五節厥境已不可問况有撫兩代而無成者  
何辜于天俾至斯極同一苦節之中却又有幸有  
不幸也沈痛雅潔情文備至令觀者淚下泫泫不  
忍卒讀



海陽陳烈女傳

陳烈女名寶娘廣東海陽人府小史陳子頴女也幼

聰敏有弟讀書旁觀輒成誦通孝經內則以古賢女

自期代母操井臼食貧作苦循循乎大家風範焉年

十二許字邑人黃士振士振父開春太學生也辛巳

捐館舍女聞撤簪珥疏衣粥食越暮未嘗一華飾里

人方嘖嘖孝行以為賢且知禮未幾而士振訃至矣

時在機失梭昏仆坐地拊膺慟哭少間請奔喪父母

不許女嘆曰夫者天也既失所天有死無二然必親

治三年之喪始盡未亡人之禮今二親既不我行死

且留餘憾夫母劉氏勸慰之泣曰兒非不念父母自

甘不孝顧婦人以貞信為節虧節辱親不孝尤大

此說亦是

伯母侯氏孀守者教以在家守義可慰父母心完貞志

節孝兩得女曰伯母苦節乃為孤弟在懷宗祀為重

兒所處不同各行其是而已遂絕飲食三日水漿不

入口出笥中手迹少時珍玩雜物悉焚之書籍筆墨

付諸弟勉以讀書泣數行下父母防之密不得死佯

改容機聲軋軋若無事者舅氏劉亮夫至多方寬喻



慨然許諾。父母以爲信。防稍疎。治觴歎。舅忽而雷雨。  
大作。家人晒衣服者。急走收之。則見女已自經。瓜架。  
間疾呼不應。急解下死矣。雖甚雨。而衣裾無沾翼日。  
形神不改。於篋內得遺詩一首。有奔喪違妾願。迅步。  
逐郎踪之句。時康熙壬午六月廿有二日也。年十八。  
署海陽令。安定枚。潮守梁文煊。白其事于上。憲以格。  
于例未題旌。檄遣致祭。給匾褒之。夫家迎其喪。合葬。  
于百丈埔之原。

論曰。陳女幼知書。通孝經。內則以古賢女自期。立志。

固已不薄矣。泮水未迨，鵠偶分飛，使其長侍膝下，未嘗不可扶植。綱常增鳳城山川之重，然曠日遲久，事更艱難，不如一時烈烈舍生取義之爲快也。人生百年，總有一死，患不得其所耳。陳女雖死，猶賢于生，嗚呼，可謂明哲也已。

烈女當日一決耳，寫得有學有養，秉禮守義，毅然不可回，細微曲折無所不到。論曰：死賢于生，其得斯文之謂耶。

潮陽陳烈女傳

陳烈女名菊娘廣東潮陽人農民陳錫謙女也幼端

重不妄笑語孜孜以紡績為事鄉間俗樸無紛華惟

春社蜡臘梨園歌舞婦女羣趨視為遊樂女終日靜

坐不出房闥固強之亦弗赴眾謂陳氏女不好遊云

年及笄許配隣鄉萬阿一一故農家者流敦本尚實

孝弟力穡兩家門戶既相當情性亦頗相宜雖男女

未迨水父母往來固歡然周洽也俄而阿一病女聞

之憂形于色少飲食及病篤益憂甚竟日無一語寢

為下文往規張本

憂亦得體

貞靜

食俱廢。一日晨起，忽訃至。其母以壻家相距不遠，且

從容就義

平昔過從習熟，倉皇走視之。女沐浴更衣，正襟坐牀

上，取素帶為縲，挂於楣間，以頸投之，凝然不動，聲色

比母歸，則見其端坐，弗起，呼之不應，頗詫異。就視之

死矣。時康熙辛丑秋七月五日也。女年十有七歲，夫

鄉人亦可嘉

家求其屍合葬焉。鄉人義之，醵金為立嗣，且共磨石

表其墓。

藍子曰：往余攝篆潮陽，陳女事已越七載矣。寂寂未

有聞於余耳者。蓋時當頻年荒歉，後軍士方脫巾而



呼。萑。苻。遍。野。獄。訟。充。斥。未。暇。一。為。訪。求。而。邑。士。大。夫。  
亦。弗。遑。以。此。見。示。事。機。錯。過。旌。典。未。膺。深。可。惜。也。庚。  
戌。秋。有。預。修。郡。志。之。役。邑。孝。廉。陳。君。能。夏。共。相。晨。夕。  
始。為。余。言。之。因。屬。君。確。訪。事。實。列。入。郡。乘。併。潮。陽。邑。  
志。亦。令。載。筆。者。修。補。陳。烈。女。所。以。得。傳。于。世。孝。廉。君。  
力。也。余。既。重。自。愧。且。更。為。烈。女。幸。焉。

不事雕鏤自成文采以烈女從容就義事跡本佳  
無所庸藻績耳作者好善之心盎然行墨之表



鄭烈婦傳

烈婦鄭氏廣東澄海縣儒家女海陽縣民梁至良妻

提清

也。至良繼母所出有前母兄曰梁某為諸生繼母亦

賢母

鄭姓孀守撫孤視前子如已子生與至良兄弟怡如

也。婦年十八歸良良性孝友任勞勤藝圃力田以衣

賢弟

賢弟

食其兄使專儒業婦事姑尤謹睦娣姒井臼操作澣

濯掃除之役皆獨力為之姑喜良夫婦之能承歡又

好箇士類

生得采芹列於士類儼然詩禮人家可以娛老矣雍

正三年乙巳至良卒遺孤女三歲姑痛子傷心慮婦

居... 卷之...

三

年○少○家○貧○必○不○留○哭○之○慟○婦○矢○志○養○姑○且○云○有○五○月○

娠○倘○得○男○可○延○夫○祀○姑○曰○如○窮○餓○何○對○曰○婦○自○為○之○

斬○截○

渾○身○毛○角○

所○即○餓○死○亦○甘○心○耳○居○無○何○而○梁○生○有○不○可○問○之○意○

婦○堅○貞○自○持○俯○首○欲○泣○生○不○能○容○迫○改○醮○婦○不○可○生○

可○憐○

故○保○之○雪○涕○哀○求○請○俟○腹○中○兒○誕○育○生○不○得○已○暫○聽○

既○產○男○不○數○月○復○迫○益○力○以○為○必○將○累○已○婦○曰○我○自○

求○食○一○絲○一○粒○不○以○相○累○也○家○有○田○八○畝○生○悉○踞○之○

婦○分○得○圃○畝○許○早○一○幅○苦○節○圖○即○錫○石○心○用○亦○為○孺○子○牽○女○荷○鋤○種○溉○於○羣○從○娣○姒○間○

隨○淡○

為○針○黹○為○磨○舂○易○食○米○以○奉○姑○養○子○而○自○食○糠○粃○時○



潮中歲歉米斗至數百錢丙午丁未洊饑流亡載道

婦拮据幸延殘喘姑及子女皆無恙人咸重焉生憾

其無去志百計窘之值族女與生之女鬪族女走依

婦生女逐而行兇婦阻之遂懇於父母皆閔擒婦出

撻婦曰我知罪矣無以寡弟婦軀體辱尊拳也生猶

不肯已擢婦鬢毛用猛力連拔之婦既歸房中念所

親毒虐無已勢不可以復留潛然默坐夜出平日所

績麻及敝衣裳投之火恐火光為所覺手持小釜火

起即覆之又以衣裳各一付女曰此猶可蔽體若留

大有力星

可憐

橫逆極矣

此時惟有一死

詳細

之明晨母將去若善視幼弟早起跪姑前泣曰婦不

能復事姑矣姑哽咽不能語又適辭羣從娣姒皆歛

歔歎息而別家命一原媒偕之去媒即姑鄭族子也

婦行至廣濟橋仰天一慟呼其夫者三遂躍入韓江

死時雍正六年戊申六月朔日也婦家無父母昆弟

生囑原媒以失水欺鄭族而泯其迹焉雍正九年辛

亥海陽尹張君修邑志憐婦節烈為次其事於遭賊

完貞與諸難婦合傳曰雖非遇盜也情與相類傷哉

論曰余讀海陽縣志至鄭烈婦事不禁三太息也其

○八○人○賜○寸○寸○斷○  
○春○秋○書○法○意○味○深○長○

○紀○不○可○泯○

○婦○節○全○矣○得○其○所○武○

旨遠其詞嚴蓋尚有春秋書法焉婦女守貞綱常底  
 柱奈何強使易志全無測隱之心天地間有此毛角  
 人乎余悲鄭氏之志哀其遇欲詳其事蹟博問諸正  
 人君子久且確而後論定秉彝好德人心同然貞魂  
 能終寂寂哉將直書生名則生不可以立于人世余  
 職在彰善不在癉惡姑為諱之即鄭也亦志為夫立  
 節耳之貞之烈皆足為綱常底柱且烈較烜赫則逼  
 之乃所以成之何必復留遺恨於毛角之親含笑九  
 泉可也

慎重

旌表

主腦可為貞魂釋誠

得大

應為

鄭氏苦心苦節聞者酸鼻偏有此等不仁之親可  
恨極矣然年少守貞閱歷艱難不如烈烈一死較  
爲直截廣濟三呼聲聞千載誰謂烈婦不凜凜如  
生耶逼之乃所以成之最爲確論



陳烈婦傳

烈婦陳氏名貞娘海豐縣民陳英芝女同邑黃允卿妻也年十九于歸甫一載而允卿卒氏號天慟哭絕而復蘇者數次決意殉之有遺腹娠數月矣舅姑勸之延夫祀婦矍然輟泣曰諾及月辰產得男家以為慰婦抱男拜舅姑哭而納諸姑懷中曰婦不孝不能事母反以藐孤累老人婦死有餘辜也知恐不即絕粒不食所親皆泣涕多方勸解婦且哭且拜曰夫已死義不能獨生所不早從地下者以身有數月之娠耳茲幸

得男吾願畢矣絕食七日而死時年二十歲與夫合

葬于大安之原

論曰陳氏之死何其急也舍生取義若恐人之奪已

而過此即已無及也近世丈夫作事多遲疑能如斯

之堅定果決者有幾哉海豐詩禮之邦士敦品行女

尚貞烈沐浴國家化行俗美非偶然也邑有節婦

許氏為黃元輔之妻年二十一而寡遺孤週歲矢志

栢舟事姑盡孝教子成立今年八十有一六十載凌

霜苦節亦壺內之完人乎諸節烈皆以家貧弗聞於

遠今辛亥冬。舊令尹天長王公。臚厥事蹟。以言于郡。守吳公吳公欣然爲請。旌表余。是以知之。王公在豐。予淺適丁饑饉盜賊之秋。邑人士未遑語及。今去邑。見。任。而。值。其。官。者。對。之。何。如。四年猶留心風化。惓惓不忘。若是則君子之所爲可知矣。許氏尚稱未亡人。應俟後之載筆者。

敘次簡質。不事捕張。而烈婦通身精神奕奕。楮上論中帶出許節婦。尤見苦心。生人無立傳之例。得此齒及。已不啻預爲立傳矣。顯微闡幽。維持風化。不淺。

前未交... 年... 月... 日... 亥...

先... 齒... 亥... 子... 不... 會... 既... 厥... 立... 野... 矣... 臨... 將... 聞... 也... 漸... 封... 恩... 公...

... 齒... 亥... 子... 不... 會... 既... 厥... 立... 野... 矣... 臨... 將... 聞... 也... 漸... 封... 恩... 公...

... 齒... 亥... 子... 不... 會... 既... 厥... 立... 野... 矣... 臨... 將... 聞... 也... 漸... 封... 恩... 公...

... 齒... 亥... 子... 不... 會... 既... 厥... 立... 野... 矣... 臨... 將... 聞... 也... 漸... 封... 恩... 公...

... 齒... 亥... 子... 不... 會... 既... 厥... 立... 野... 矣... 臨... 將... 聞... 也... 漸... 封... 恩... 公...

... 齒... 亥... 子... 不... 會... 既... 厥... 立... 野... 矣... 臨... 將... 聞... 也... 漸... 封... 恩... 公...

... 齒... 亥... 子... 不... 會... 既... 厥... 立... 野... 矣... 臨... 將... 聞... 也... 漸... 封... 恩... 公...

... 齒... 亥... 子... 不... 會... 既... 厥... 立... 野... 矣... 臨... 將... 聞... 也... 漸... 封... 恩... 公...



貞烈張女傳

貞烈張女名慎娘，廣東海豐人。諸生張有惠女也。許字謝復開之。三子曰錫川。復開與有惠同庠，兩家皆詩禮門戶，相當意氣相投。合錫川年少能讀書，衆謂東牀不偶矣。年十八未于歸，而錫川病沒。女聞訃，悲慟慨然，有殉亡志。哀告父母，請奔喪。許之蓬頭易服，涕泣詣夫家，執喪禮。舅姑妯娌皆憐之。念夫嗣未立，方不是一死了一事者未可死。且父嬰痼疾，恐以女故傷父心，強啜粥朝夕。哭奠久之，無所言。人莫能知其意也。迨百日泣拜舅

姑請為夫立後復開以次子之子繼之女仍歸母家

得大主  
以全孝

侍父湯藥孝養周至及期年有惠疾已愈女復泣告

此亦要著

父母請舅姑為夫求葬地地既得女聞之欣然曰夫

了離

有後而葬有地吾事畢矣是夜投繯死時康熙五十

有六年仲冬朔日也女年十有九歲兩家父母義之

與錫川合葬焉

論曰巾幗為名教之于城吾於張女見之為夫立節

貞也不忍傷父心孝也汲汲求為夫立後為夫擇葬

地仁也夫有後而葬有地慷慨赴死烈也女沒後之

十五年海豐舊令尹王公廉其事于志陽太守爲請  
旌表余始得聞其詳嗚呼如此人者豈可以不膺旌  
典哉。

張女大有見識步步從容無一毫激烈氣及得死  
所慷慨直截無一毫兒女氣可謂巾幗偉人





程節婦傳

程節婦福建漳浦人。儒童許琫妻。諸生程憲淳次女。

也。年十九歸琫。克盡婦道。事舅姑。祖姑甚敬。謹逾年。

琫卒。婦哀毀。欲以身殉。姑及祖姑弗忍也。苦勸之。婢

清勤有遺腹。娠請俟其產得男可延夫祀。若女也。別

○是○其○心○事○

○願○足○

立嗣。婦曰諾。已而果得男。婦喜曰。夫有祀矣。潛製新

履及衣飾。送終之具。人問何為。答曰。自備耳。不孝不

○至○孝○

能終子職。不以身後事累親也。夫既小祥。婦經營家

○莫○快○

事。從容整整。楚人莫知其意。尋自經死。時康熙六十有

一年秋七月也。邑人士以告于蕭令君，給匾旌之。

論曰：程氏之死，不激烈，不濡遲，抑何其和平中節也。

良人有祀，自足含笑九原。喪至小祥，雖於禮未終於

○却○當○

殉夫則已可矣。從容慷慨兼而有之，巾幗偉人名教。

柱礎特兩家門戶之光云乎哉。下

樸實直書，不事鋪張潤色，自覺雅潔可傳。

